

四庫全書

子部

欽定四庫全書

子部

御定駢字類編卷二百三十三

詳校官中書臣張鉉成

主事臣祁韻士覆勘

總校官庶吉士臣倉聖脉

校對官學正臣劉景岳

謄錄監生臣沈方大

欽定四庫全書

御定駢字類編卷二百三十二

補遺

人事門八

雅

雅壽

後漢書吳良傳注五穀豐熟家給人足今日歲首請正

雅健

唐書柳宗元傳韓愈評其文曰雄深似司馬子長崔蔡不足多也

雅化

晉書華譚傳若乃大道四通禮樂交通凡人修行黎庶勵節刑罰懸而不用律令存而無施適足以

隆太平之

飛

仁風於無外矣

雅美

舊唐書徐彥伯傳彥伯為蒲州司兵參軍時司戶
韋嗣善判事司士李亘工于翰札而彥伯以文辭

之河
時人謂
中三絕

雅善

賈至明皇幸普西郡制宮相之才
師傳之任必資——允屬忠貞

雅偉

吳志孫韶傳注憲
字孝章器量——

雅厚

唐書張弘靖傳弘靖字元禮
——信直以蔭為河南參軍

雅道

南史王儉傳贊仲寶——自居早懷伊呂之志竟
而逢時遇主自致宰輔之隆江總莊周頌丹青

可久——
視聽已無生

斯存王昌齡靜法師東齋詩琴書全——
鄭谷寄題詩僧秀公詩近來——相親

少惟仰吾
師所得深

雅志

晉書謝安傳安雖受朝寄然東山之志始末不渝每形于言色及鎮新城盡室而行造泛海之裝欲

須經略粗定自江道還東一未就遂遇疾篤素宏三國名臣頌堂堂孔明基宇宏邈器同生靈獨稟先覺

標榜風流遠朋管樂初九龍盤一一彌確陶潛閑情賦淡柔情于俗內負一一于高雲

雅意

漢書李夫人傳大將軍霍光緣上一一呂李夫人配食追上尊號曰孝武皇后又蕭望之傳望之

一一在本朝遠為郡守內不自得吳質答東阿王書欲傾海為酒并山為肴伐竹雲夢斬梓泗濱然後極一

歡情盡

雅謀

後漢書桓譚傳略雷同之俗語詳通人之一一

雅懷

李白春夜宴從弟桃李園序不有佳作作何申一一

雅範

謝朓酬德賦援之以勗

雅性

魏志武帝紀注太祖——節儉不好華麗蜀志費禕傳注禕——謙素家不積財兒子皆令布衣

素食出入不從車騎無異凡人

雅量

晉書謝安傳安嘗與孫綽等泛海風起浪湧諸人並懼安吟嘯自若舟人以安為悅猶去不止風轉

急安徐曰如此將何歸耶舟人承言即迴衆咸服其——又李壽載記敏而好學——豁然

雅規

吳志周瑜傳注初曹公聞瑜年少有美才謂可游說動也乃密下揚州遣九江蔣幹往見瑜幹有儀

容以才辯見稱獨步江淮之間莫與為對乃布衣葛巾自託私行詣瑜瑜出迎之立謂幹曰子翼良苦遠涉江

湖為曹氏作說客耶幹曰吾與足下州里中間別隔遙聞芳烈故來叙濶并觀——而云說客無乃逆詐乎

雅體

北史文苑傳序煬帝初習藝文無非輕側暨乎即位一變其體與越公書建東都詔冬至受朝詩及

擬飲

馬長城窟並存一歸于典制陸倕以詩代書別後寄贈京邑僚友率更愛一體弱思自強

雅望

世說魏武帝將見匈奴使自捉刀立床頭既畢令不足雄遠國使崔季珪代帝自捉刀立床頭既畢令不足雄遠國使

王何

如匈奴使答曰魏王一非常然床頭捉刀人此乃英雄也杜甫故司徒李光弼詩一與英姿惻愴

槐里

接馬戴贈祠部令狐郎中詩官初執憲稱雄才省轉為郎一推

雅才

杜甫題衡山縣文宣王廟新學堂呈陸宰詩是以資一渙然立新意

雅裁

梁武帝請徵補謝朓何肖表文宗儒肆互居其長清規一兼擅其美

雅信

漢書杜欽傳范睢起徒步由異國無一一開一朝之說而穰侯就封

雅直

名魏志王修傳注修一子

雅正

後漢書與服志漢興文學既缺時亦草創承秦之制後稍改定參稽六經近于南史張種傳

種少恬靜居處

柳霞墓誌銘進止端詳神情周大將

雅訓

隋書煬帝紀朕嗣膺景業旁求一言書歌雖不邁過庭若令典劉歆與揚雄求方言書歌雖不邁過庭

亦克識先君

王粲儒吏論吏服儒通

文法

沈約齊明帝謚議臨朝引領思隆

雅談

晉書慕容皝載記安枕逍遙

卒

雅論

潘尼戴侍中銘弘博逸藻波騰杜甫奉送

逸傑

雄姿迴皇王寄詩評

雅言

論語子所——詩書執禮皆——也諸葛亮
出師表陛下亦宜自謀以諮諏善道察納——

雅告

徐陵報尹義尚書言
尋——所及縲囚

雅慮

蜀志馬良傳夫變用——審貴垂明于以簡才宜
適其時吳志陸遜傳注臣松之以為邊將為害

蓋其常事使逸式得罪代者亦復如之自非狡
焉思肆將成大患自足虧損——尚為小詐哉

雅思

歐陽修詩善政已成多
——寄詩宜逐驛筒來

雅文

漢書王嘉傳廷尉梁相尚書令鞠譚僕射宗伯鳳
制詔免相等皆為庶人後數月大赦嘉奏封事薦

相等明習治獄相計謀深沉譚頗知——鳳經明行修
聖主有計功除過臣竊為朝廷惜此三人富弼定州

閱古堂詩序公——
傑武自當視乎古人

雅典

梁肅祭獨孤常州文
微言——斷而不續

雅誥

書序——與義其歸一揆
弗淪微言復顯
宋書裴松之傳遠猷形于——

惠訓播
乎遐邇

雅秀

宋史李建中傳建中性簡
靜風神——恬於榮利

雅妙

樂苑羽調有柘枝曲商調有屈柘枝此舞因曲為
名用二女童帽施金鈴拊轉有聲其來也於二蓮

花中藏花坼而後見對舞
相占實舞中——者也

雅潔

元史戴表元傳其文清
深——化陳腐為神奇

雅宜

蘇軾和王鞏詩——
驩兒放頗訝虞舜陟

雅好

魏志司馬朗傳雖在軍旅常麤衣惡食儉以率下

龍潭

尋安平王宴別序屬聖

主之

能仁遂賢王之

雅豔

韓維惜餘醪詩天意再三

雅致

魏書劉芳傳高祖見殷比干墓愴然悼懷為文以

文非

屈宋理慙張賈既

有

便付之集書

雅操

晉書山濤傳遷尚書吏部郎文帝與濤書曰足下

二百斛

又忠義傳序是以隕節苟合其宜義夫豈吝

其沒捐軀

若得其所烈士不愛其存故能守鐵石之深

衷厲松筠

之

雅興

梁昭明太子夾鍾二月啓尋五柳之先生琴尊一
謁孤松之君子鸞鳳騰翩權德輿韋賓客宅

與諸博士宴集詩簪組歡言久琴壺一一長朱
灣重陽日陪韋卿讌詩清規沈侯事一一謝公題

雅瑞

釋氏通鑑唐景法師卒葬于紫陌河深滢之內
三日後所沉之處返成沙墳道俗異其一一

雅懿

文心雕龍孟堅一一故裁密而
思靡平子淹通故慮周而藻密

雅覲

後漢書臧洪傳前者不遺比
辱一一叙述禍福公私切至

雅勝

晉書殷浩傳其故吏顧悅之上疏訟浩曰伏見故
中軍將軍揚州刺史殷浩體德沉粹識理淹長風

沅一一聲
蓋當時

雅瞻

晉書皇甫謐摯虞束皙王接傳論摯虞束皙等並
詳覽載籍多識舊章奏議可觀文詞一一可謂博

聞之士也
北史顏之儀傳博涉羣書好
為詞賦嘗獻梁元帝荊州頌辭致一一

雅粹
輟耕錄盧疎齋文章宗旨云宋文章家尤多老歐
之一一老蘇之蒼勁長公之神俊而古作甚不多
見

雅麗
南史陸慧曉傳三子僚任倕並有美名時人謂之
三陸初授慧曉兗州三子依次第各作一讓表辭

並一一時人歎服
北史李順傳子希宗性寬和儀貌
一一有才學楊基憶左掖千葉桃花詩旁雖淺淡正

復濃一一稱
月閑宜風

雅壯
圖畫見聞志王摩詰少以詞學知名有高致藍田
南置別業以水木琴書自娛善畫山水人物筆蹤

一一體
涉古今

欽定四庫全書

御定駢字類編

卷二百三十二

六

雅興

陳造詩
三百篇

雅似

荀子此文而不米者與簡然易知而致有理者與君子所敬而小人不者與性不得則若禽獸

性得之則甚

一者與

雅馴

史記五帝紀贊學者多稱五帝尚矣然尚書獨載堯以來而百家言黃帝其文不一一薦紳先生難

之言

雅敬

蜀志蔣琬傳先主至廣都見琬衆事不理將加罪戮諸葛亮請曰琬社稷之器非百里才也願主公

重加察之先主
一乃不加罪

雅州

唐書地理志
一廬山郡

雅臣

唐明皇端午三殿宴羣臣探得神
字詩方殿臨華節圓宮宴——

雅士

魏志邢顥傳少秉高節元靜
澹泊言少理多真——也

雅儒

荀子有俗人者有俗儒
者有——者有大儒者

雅子

論衡夫田嬰俗父而田文——也
嬰信忌不實義文信命不避諱

雅女

江淹扇上綵畫賦臨淄
之——宋鄭之妙工

雅徒

論衡自紀篇充為人清重游必擇友不好苟交所
友位雖卑微年雖幼推行苟離俗必與之友好傑

友——不
泛結俗材

雅友

三餘贊筆曾端伯以茉莉為
——張敏叔以茉莉為遠客

雅客

三柳軒雜識
水仙為一

雅人

晉書王凝之妻謝氏傳叔父安嘗問毛詩何句最佳道蘊稱吉甫作誦穆如清風仲山甫永懷以慰

其心安謂有一深致抱朴子不枉
尺以直尋不降辱以苟命者一也

雅材

漢書禮樂志是時河間獻王有一亦以為治道非禮樂不成因獻所集雅樂天子下大樂官常存

肆之
郎多文俗吏鮮有一

雅樂

孟子惡鄭聲恐其亂一也
又河間獻王傳武帝時獻王來朝獻一對三

雍宮及詔策所問三十餘事
工書武德中與太常少卿祖孝孫受詔定一一正鐘律

世說荀勗善解音聲時論謂之闇解遂調律呂
正一一每至正會殿庭作樂自調宮商無不諧韻

雅器

禮記訊疾以雅疏雅謂樂器名舞者訊疾奏此

武克中山太武平統萬或得其宮懸或收其古樂於時
經營是迫——斯寢宋史樂志李照自造鞀籥清管

簫管清笛大笙大竽宮琴宮瑟
大阮大籍凡十一種永備——

雅聲

漢書禮樂志雜變並會——遠姚宋玉高唐賦
紉大絃而——流李嶠舞詩儀鳳諧清曲回鸞

應——

雅音

李嶠簫詩虞舜調清管王褒賦——權德輿奉
和崔評事寄外孫劉同州并呈杜賓客許給事王

侍郎昆弟楊少尹李侍御并見寄
之作藻思成采章——聞皦釋

雅吹

後漢書桓榮傳車駕幸太學會諸博士論難于前
榮被服儒衣溫恭有蘊藉辯明經義每以禮讓相

厭不以辭長勝人儒者莫之及特加賞賜又詔諸生
一擊磬盡日迺罷令狐峘釋奠日國學觀禮聞雅頌

詩頌歌清曉聽
一一度風聞

雅韻李商隱高松詩有風
傳一一無雪試幽姿

雅調宋書樂志遷善自一一成化由清均張濛曉過
南宮聞太常清樂詩一一乘清曉飛聲向遠空

朱灣第柱子詩知音
如見賞一一為君傳

雅頌論語一一
各得其所

雅南詩以一一
以籥不僭

雅寅蕭子雲梁三朝雅樂歌擬夷
則奏一一袞衣曜玉帛陳

雅歌

漢書藝文志有詩四篇後漢書祭遵傳遵為將軍取士皆用儒術對酒設樂必投壺

隋書音樂志梁武帝敕蕭子雲製諸梁簡文帝蜀國絃歌篇詩臨觴奏九韻何邕邕

妙舞自巴渝

雅詠

晉書陶潛傳遇酒則飲時或無酒亦不輟王儉太宰文簡褚彥回碑餐輿誦于丘里瞻

于京

雅引

劉峻廣絕交論匠人輟成風之妙巧伯子息流波之柳宗元王氏伯仲唱和詩序正聲迭奏

更和

雅吟

白居易閑夜詠懷因招周協律劉薛二秀才詩若厭須俗飲妓筵勉力為君鋪

欽定四庫全書

御定駢字類編

九

雅篇

陳書陸瑜傳——豔什迭互蜂起——梁

雅章

歐陽詹泉州席使君宴邑中赴舉秀才於東湖亭序是日人有甘棠類宮之什客有天水姜閱河東

裴參和潁川陳誦邑人濟陽
蔡沼佐贊盛事亦獻——

雅韶

范仲淹明堂賦——
以奏文鐸以徇——

雅舞

王海太樂令壁記云唐虞三代舞用國子欲其早習於道也漢魏以來以國之賤隸為之惟——尚

選良家子

魏文帝於譙作獻酬紛交錯——何鏘鏘陸機日出東南隅行悲歌吐清響——播幽蘭

雅弄

南史柳惲傳竟陵王子良嘗置酒後園有晉太傅謝安鳴琴在側援以授惲惲彈為——子良曰卿

巧越嵇心妙臻羊體良質美手信在今夜豈止當今稱奇亦可追蹤古烈張瀛贈琴碁僧詩絃中——若鏗

金指下寒
泉流太古

雅琴

漢書王褒傳丞相魏相奏言知音善鼓一琴者勃海趙定梁國龔德皆召見待詔殷仲堪琴贊至

人善寄暢之不可長司馬相如長門賦援一以變調兮奏愁思之不可長嵇康琴賦識音者希誰能珍兮

能盡
惟至人兮

雅瑟

爾雅大瑟謂之灑疏一長八尺一寸廣一尺八寸二十三絃其常用者十九絃其餘四絃謂之番

番羸也孟郊汝州陸中丞席喜張從事至同賦詩清風蕩華館一泛瑶席

雅簫

禮圖一尺三寸二十四瓠

雅笛

李百藥笙賦縱調文於一留神思於和笙

雅塤

禮圖大如雁
塤曰如鷄子曰頌塤

雅鼓

宋史樂志以舞者迅疾
以雅節之故曰

雅弦

支遁述懷詩膏腴無爽味
婉變非信周五聲調曲孤竹調陽管空桑節

雅曲

吳志周庾信哀江南賦侍戎韜於武帳聽
也

文絃

唐太宗春日元武門宴羣
臣詩清尊浮綠醕韻朱絃

雅節

駱賓王夏日遊德州贈高四詩霜松貞
朗冲襟杜甫寄韋韶州詩佳聲斯共遠

防周

雅什

江總南越木槿賦
未名騷人失藻王禹偁和朱嚴留別詩臨岐留
天馬感金鑾

雅步

南史袁粲傳粲幼孤祖哀之名之曰愍孫峻于儀
範廢帝保之迫使走愍孫一一如常顧而言曰風

雨如晦

鷄鳴不已梁元帝與蕭挹書一南宮容與
盧思道孤鴻賦序若其一清音遠心高韻鵲

自玩

驚已降罕見其儔陸機
百年歌高談一一何盈盈

雅度

晉書張茂傳茂築靈鈞臺太府主簿馬鮪諫曰今
世難未夷唯當弘尚道素不宜勞後崇飾臺榭且

比年已來

轉覺衆務日奢於往每所經營輕違一一實
非士女所望於明公崔嘏授崔璿給事中等制以賓

筵

州懷風範綽然標一一沈約懷舊
詩豫州懷風範綽然標一一

雅拜

陸龜蒙開元寺避暑聯句
松行將一一簷陣欲交麾

雅制

晉書輿服志周禮巾車氏建大赤以
朝大白以戎一一弘多式遵遺範

雅具

陸龜蒙以竹夾膝寄贈襲美詩添君一一教多著為著西齋譜一通

雅服

北史高季式傳范陽盧曹身長九尺鬚面甚雄臂毛逆如猪鬣力能拔樹性弘毅方重常從容一一

北州敬仰之又西京雜記司馬長卿賦時人皆稱典而麗雖詩人之作不能加也揚子雲曰長卿賦不似從

人間來其神化所至邪子雲學相如為賦而弗逮故一一焉

雅仗

南史檀道濟傳道濟素與王弘善時被遇方深道濟彌相結附弘亦一一之孫綽王導碑中宗拱

已一一賢相尚父之任具瞻在公

雅稱

後漢書韋彪傳好學洽聞一一儒宗

雅號

皮日休孤園寺詩一一曰勝力亦聞師佛氏

雅契

楊炯送并州旻上人詩序劉真長之遠致——高風習鑿齒之宏才深期上德

雅令

酒譜幽人賢士無絲竹金石之玩惟嘯咏文史可助歡故曰閒徵——窮經史醉聽新吟勝管絃

雅識

魏志崔琰傳注清忠高亮——經遠劉孝綽為鄱陽嗣王初讓雍州表王戎——羊祜尚義

雅習

晉書劉隗傳隗——文史善求人主意帝深器過之

雅業

郭璞鼪鼠贊賞以束帛——遂盛梁武帝建學詔雖耕耘——旁聞藝文而成器未廣志本猶闕

雅學

孔叢子侍中子國——淵博齊己吟興自述詩前習都由未盡空生知——妙難窮

雅達

孔叢子——博通不世而出陸機辨亡論賓禮名賢而張昭為之雄交御豪俊而周瑜為之傑彼

二君子

皆弘敏而多奇——而聰哲

雅會

劉子翬詩——欣然聞珠履集新詞好付雪兒歌

雅宴

李商隱五言述德抒情詩一首四十韻獻上杜七兄僕射相公——初無倦長歌底有情

雅飲

李山甫寄太常王少卿詩——純和氣清吟冰雪文

雅旨

沈約梁武帝集序究淹中之——盡曲臺之奧義

雅尚

南史陳武帝紀帝雄武多英略性甚仁愛及居阿衡恒崇寬簡——儉素

雅俗

後漢書郭泰傳論深厚之性詭於情貌則哲之鑒惟帝所難而林宗——無所失將其名姓特有主

乎唐書禮樂志隋文帝始分——二部至唐更曰部當凡所謂俗樂者二十有八調任昉為蕭揚州作薦

士表先言往行人物——甘泉遺儀南宮故事畫地成圖抵掌可述

雅舊

唐書宇文士及傳以一一別封一子新城縣公典

午終世之筆罕云周洽間有小道俗
言要奇好異考之一一咸乖實錄

雅實

蘇頲授陳正觀將作少監制蘊器沈敏懷才一一
又授齊澣紫微舍人制屬詞每窮其一臨事

益表其
甄明

雅目

唐書李守素傳守素通氏姓學世號
肉譜許敬宗曰倉曹此名豈一一耶

雅合

北史長孫紹遠傳初紹遠為太常廣召工人創造
樂器惟黃鐘不調嘗經韓使君佛寺聞浮圖三層

上鐸鳴其音一一宮調
因取而配奏方始克諧

雅祖

嵇康琴賦初涉淥水中奏
清徵一一唐堯終詠微子

雅照

楊萬里詩太平古寺劫
灰餘夕陽一一塔孤

雅顧

法書要錄有好事公子頗符一一問及自
古名書頗為定其差等曰可謂知書矣

雅逸

魏了翁文米南宮大字一
細書結密皆有可法

雅供

王柏詩一掬
旗槍分一一

雅堪

柳宗元為裴中丞舉人自
代表竊惟斯人一一厥職

雅澹

唐書杜黃裳傳黃裳達權變有王佐大略性一一
未始忤物白居易和順之琴者詩清泠石泉引

一一風松曲亦作淡張師曾清廟瑟
賦矧清瑟之最古今又一一而相宜

雅素

漢書王莽傳增修一一呂命下國唐書承天皇
帝俊傳廣平王收二京使李泌獻捷泌與帝一一

從容語倅事 阮瑤為曹公作書與孫權常思除棄小事更申前好二族俱榮流祚後嗣以明——中誠之效

餞諸文士詩菁華兼百代——備三墳
皎然奉陪顏使君修韻海畢東溪泛舟

雅綜 萼綠華贈羊權詩靜尋
欣斯會——彌齡祀

雅游 史記張耳傳張耳——人多為之言項羽亦
素數聞張耳賢乃分趙立張耳為常山王

雅前 詩幽風疏以周公專為一國上冠先公
之業亦為優矣所以在風下次於——

雅嫻 論衡通書千篇以上萬卷以下弘暢——
審定文讀而以教授為人師者通人也

雅宣 沈約北齊大饗歌——
茂烈頌紀英聲

雅曠 晉書石苞傳——有智
局容儀偉麗不修小飾

雅玩

畫史徐熙大小折枝士人家往往見之翎毛之倫
非一一故不錄北苑別錄承平一一為細色第

三綱之一

雅裕

唐書竇鞏傳鞏字友封一一有名於時

雅流

世說周侯於荊州敗績還未得用王丞相與人書曰一一弘器何可得遺

雅媚

名畫記宋吳曉下品謝赫云體法一一制置才巧擅美當年有聲京洛

雅故

漢書叙傳函一一通古今正文字惟學林

雅鄭

曹植當事君行人生有所貴尚出門各異情朱紫更相奪色一一異音聲

雅歎

啓顏錄晉張天錫從事中郎韓博奉表并送盟文博有口才桓溫甚稱之嘗大會使司馬刁彞謂博

曰卿是韓盧後博曰卿是韓盧後溫笑曰刁以君姓韓故相問耳他人自姓刁那得是韓盧後博曰明公未之思耳短尾者則為刁闔坐一一焉

雅誚

邵雍觀西晉詩題品人才憑一一雌黃人事用風流

雅怨

詩品魏陳思王植骨氣奇高詞采華茂情兼一一體被文質

雅亡

春秋胡傳春秋作於隱公適當一一之時

雅濫

晁補之詩調鐘求一一

雅缺

隋煬帝勵經術詔紆青拖紫非以學優製錦操刀類多牆面上陵下替網維靡立一一道消實由於

此

雅然

傳咸中郎將曹府君碑
銘伊公立朝——正色

協古作叶

協和書——萬邦黎民於變時雍
晉書李含傳中丞

公清正才經世務實有史魚秉直之風雖以此不能——
宋史樂志一遵帝

律止用正聲——
天人刊正訛謬——

協隆張華晉正德大豫舞歌
醇化既穆王道——

協暢宋書謝靈運傳論五色相宣八音——
典序雖篆籀異文胡華舛則至于——
沈約內

訓義固亦內外
同規神人一揆

協慶

宋史樂志三宮——永播徽音
石像碑道路側塞神祇——李商隱為濮陽公

陳許

謝上表荆枝
——棟萼傳輝

協寧

漢書宣帝紀詔曰廼者鳳凰集泰山陳留甘露降
未央宮朕未能章先帝休烈——百姓承天順地

調序四時獲蒙
嘉瑞錫茲祉福

協祚

蔡邕陳留索昏庫上里社碑神人——且巨且長
張嘉貞北嶽碑皇王令典以之——歷數昌期

以之
交泰

協瑞

漢書武帝紀太始二年詔曰有司議曰往者朕郊
見上帝西登隴首獲白麟呂饋宗廟渥洼水出天

馬泰山見黃金宜改故名今更黃金為麟趾裏蹠呂——
——焉注應劭曰獲白麟有馬瑞故改鑄黃金如麟趾裏

疏以協嘉祉也 齊書樂志三靈一一維新皇代

協輝 後魏文帝祭濟瀆文 惟瀆暢靈一一陽辟

協徽 陸雲征西大將軍京陵王公會射堂皇太子見命作此詩絕音一一宇宙告和

協兆 宋史楊礪傳論楊礪遭遇龍飛致位崇顯自以夢一其一一而忠言善政一無可述惟棄官侍母不以

科名自伐 蓋有取焉

協升 任昉齊竟陵文宣王行狀肇自弱齡孝友光備爰及贊契一一景業

協崇 陸雲諫吳王起西園第宜遵節儉啓今與國家一 大化追闡前蹤者實在殿下先敦素朴而後可

以訓正 四方

協中

書民一

協極

書不一于不罹
于咎皇則受之

協德

晉書明穆庾皇后傳履信思順以成肅雖之道正
位閨房以著一一之美宋史樂志侑聖定位一

平一安

協功

國語稷則徧戒
百姓紀農一一

協心

書三后一一同底于道韓愈赴江陵途中寄贈
王二十補闕李十一拾遺李二十六員外翰林三

學士

詩一一輔齊

聖致

理同毛輜

協謀

左傳楚武王侵隨鬬伯比言于楚子曰我張吾三
軍而被吾甲兵以武臨之彼則懼而一一以我故

難間也 李光朝新渾儀賦天工——鳧氏畢至燭洪
爐以效後 銘珍金以為器 范仲淹明堂賦天子升青

陽之位體大德之生
彼相——有司奉行

協議 宋史禮志溥率同詞縉紳——崔
伯易感山賦同德一心齊力——

協慮 周禮大行人冬遇
以——諸侯之——

協判 唐書房喬傳王名喬與計對曰大王功蓋天下
非特人謀神且相之乃引杜如晦——大計

協志 後漢書杜根樂巴劉陶李雲劉瑜
謝弼傳贊武謀允臧瑜亦——

協事 周禮太史大祭祀與執事卜日戒及
宿之日與羣執事讀禮書而——

協策 陸機漢高祖功臣頌
——淮陰亞迹蕭公

協術

後漢書黨錮傳自武帝以後崇尚儒學懷經一所在霧會

協同

後漢書孫程傳中黃門孫程等懷忠憤發戮力協謀遂埽滅元惡以定王室詩不云乎無言不讐無

德不報

簡文帝紀因順天人一神略阮籍為鄭冲勸晉王

牋內外

協合

禮記是故大人舉禮樂則天地將為昭焉疏此一節論大人舉用禮樂則天地一而生養萬物為

之昭著之事則下文天地訢合以下是也

協睦

北史王紘傳朝廷一遐邇歸心征之以仁義鼓之以道德

協附

國語大國慙愧小國一後漢書孔融傳時袁曹方盛而融無所一又實憲傳屯田校尉桓

郁累世帝師而性和退自守故上書薦之
令授經禁中所以內外一莫生疑異

協比

左傳富辰言于王曰請召太叔詩云一一其鄰昏
姻孔云吾兄弟之不協焉能怨諸侯之不睦馬

融長笛賦論記其義一一其象李
華含元殿賦賦克壯皇威一一其心

協佐

傅亮為宋公求加贈劉前軍表故尚書左僕
射前軍將軍將軍臣劉穆之爰自布衣一一義始

協建

孫楚為石苞與孫皓書
一一靈符天命既集

協扶

宋史樂志天人
一一一統有臨

協贊

蜀志來敏傳子忠亦博覽經學有敏風與尚書向
充等並能一一大將軍姜維維善之以為參軍

唐書李靖傳靖孫令問以一一功遷殿中少監
關構日載中賦驗載中之照燭表一德之一一

協耦

兩猶耦也所以以九兩繫邦國之民注

協濟

宋史李綱傳上手詔諭綱曰巨敵方退正賴卿一艱難宜勉為朕留

協輔

傅亮宋公九錫冊文
一皇家永隆藩屏

協諧

宋史樂志清不可太高重不可太下必使八音一歌者從容而能永其言

協舉

宋史樂志一
令儀通臻厥成

協契

晉書簡文帝紀詔曰宰輔忠德道濟伊望羣后竭識一一斷金

協宣

陳書鄱陽王伯山傳一一五運規範百王式固靈根克隆卜世舊唐書代宗紀制曰朕所以馭朽

懸旌坐而待曙勞懷罪己之念延想安人之策亦惟是羣公卿士百辟庶寮咸聽朕命一一乃力履清白之道

還淳素之風率是黎元歸于仁壽君臣一德
何以尚茲 宋史樂志陟配陽郊 典禮

協堯 宋史王十朋傳今社稷之安危生民之休戚人才
之進退朝廷之刑賞宜若舜之 斷然行之以

盡繼述
之道

協恭 書同寅 和衷哉

協禮 周禮大史大會同
朝覲以書 事

協義 禮記禮也者義之實也 諸而協
故禮雖先王未之有可以義起也

協藝 禮記 于仁得之者強

協卜 書朕夢 朕
襲于休祥

協從

書龜筮

協用

書次四曰
一五紀

協神

後漢書天文志三皇邁化一醇朴
宋史樂志一備物罔不吉蠲

叶響

梁簡文帝南郊頌序
三靈一一百工咸事

協化

沈約內典序大權
一對揚宗極

協靈

宋史樂志西顓沆碣執矩司秋諏言一
修陸雲泰伯碑膺慶二儀一七曜傳亮司

徒劉穆之碑銘二儀發揮川嶽一
三日侍皇太子曲水宴詩震德一
梁簡文帝

協象

傅休奕漢高祖畫贊
五星一神母告徵

協氣

史記司馬相如傳一橫流武節飄逝郭璞蚌贊與月盈虧一晦望

協年

江淹為建平王慶改號啓五鳳一甘露應號

協時

晉書樂志一正統殊途同致又律歷志周室既衰戰國橫騫是時也天子不一司歷不協日

諸侯不受職
日御不分朔

協日

周禮鄉士獄訟成士師受中一刑殺肆之三日注協合也和也和合支幹善日若今時望後利日

也
帝一晉書律歷志見上又昔在唐
一正時允釐百工咸熙庶績

協節

夏侯湛聽笳賦鳴笳兮一分唱兮相和

協月

顏延之赭白馬賦雙瞳夾鏡兩權一一

協晨

雲林右英夫人詩綠蓋一一一青輶擲空同皮
日休傷開元觀顧道士詩一一一宮上啓金扉詔使

先生坐
蛻歸

協洽

爾雅太歲在
未曰一一一

協風

國語先時五日替告有一一一至
衡正鈞陳燦天宇起祥煙一一一應江海安瀾
宋史樂志王

協火

宋史樂志離明
御正德一一于一

協金

纂異記有人得青石大如輒背有鼻穿鐵索長數
丈循環無相斷處海商見之以數十千易之云此

一一一石垂于海中經
夕引出上必有金

協譜

宋史樂志笙不用匏
舞不象成曲不一一

協調

宋史樂志詔曰俟有知者能考四鐘一一清濁有司別議以聞

協均

宋史樂志隨月一一按隨月隨月建也一一依律呂之均也

協奏

宋史樂志簾黃一一簾簾畢陳又律呂一一是謂和聲

叶音

王起律呂相生賦原夫制自伶倫迹於嶰谷始一一於靈鳳終制器於截竹

協韻

滄浪詩話楚辭及選詩多用一一

協律

史記外戚世家李延年以音幸號一一晉書樂志象容表慶一一被聲軼武超濩取節六英北

史常爽傳爽子景有才思雅好文章廷尉公孫良舉為一一博士庚信春賦一一都尉射雉中郎

協侶

隋書律歷志夾鐘一部二一十七律一明庶二一一

協呂

馬融長笛賦夔襄比律子
野——注子野師曠字

協度

舊唐書禮志壬辰觀羣后上公進曰天子膺天符
納介福羣臣拜稽首呼萬歲慶合歡同乃陳誠以

德大

渾——彝倫攸叙三事百揆時乃之功
萬物由庚兆人允植列牧豕宰時乃之功

協規

蜀志諸葛亮傳今將軍誠能命猛將統
兵數萬與豫州——同力破操軍必矣

叶坎

韓愈明水賦德——于——有類
則感形昭在空氣應則通

協澗

謝靈運山居賦石傍林
而插巖泉——而下谷

協旅

國語古者不料民而知其少多司民協孤終司商
協名姓司徒——司寇協姦牧協職工協革場協

入廩
協出

協姦

國語見上

協職

國語見協旅下

協革

國語見協旅下

協入

國語見協旅下

協出

國語見協旅下

協穗

曹植魏德論謳猗猗嘉禾惟穀之精其洪盈箱一殊莖昔生周朝今植魏庭獻之朝堂以昭祖靈

協材

國語權節其用論比一一

協吉

宋史樂志祥篇一一百福咸宜又君臣一一惟道之從

樂音洛

樂長

後漢書臧宮傳有德之君以所樂樂人樂人者其
易林雙鳬鴛鴦相隨羣行南至饒澤食魚

與梁君

子一一

樂全

魏志鍾繇傳注袁宏曰夫民心一一而不能常全
蓋利用之物懸于外而嗜慾之情動於內也莊

子一一之謂得志古之所謂得志者非軒冕之謂也謂
其無以益其樂而已矣蘇軾張安道一一堂記一一

居士全於天維
摩丈室空豁然

樂久

爾雅妯娒樂也疏妯一一之也梁簡文帝箏賦白
日蹉跎時淹一一玩飛花之度窗看春風之入柳

樂遠

陸機五等諸侯論利博
則思篤一一則憂深

樂大

王惲拜真宣聖林墓詩一

樂康

楚辭九歌五音紛兮繁會君欣欣兮一一唐肅日

觀賦登日觀兮民一一帝之德兮如陵如岡魏文帝

其醉止欣

樂和

嵇康答難養生論故智之為美美其益

樂利

禮記君子賢其賢而親其

樂育

詩小序菁菁者莪一一材也君子能長育人材則

詩英英我杞梓芄芃芃我域樸

菁菁我臺萊一一思一一

樂推梁書武帝紀——之心幽顯共積歌頌之誠華裔

改卜老子聖人處上而民不重處

樂歸春秋考曜文王者往也

樂附後漢書光武帝紀光武于是北降下曲陽衆稍合

洋洋序中丞之道光大多容賢者故

樂用史記李斯傳孝公用商鞅之法移風易俗

樂趨王磐太廟上梁文共勸——

樂貢漢書司馬相如傳陛下仁育羣生

欽定四庫全書

御定駢字類編

十四

樂輸

權德輿和王祭酒太社宿齋不得赴李尚書宅會戲書見寄詩此時對局空相憶博進何人更

樂天

易一知命故不憂宋史魏野傳野陝州陝人也居州之東郊手植竹樹清泉環繞旁對雲山景

趣幽絕鑿土袤丈曰一洞前為草堂彈琴其中莊子夫至人者相與交食乎地而交一乎張子正蒙

聖人一故合內外而成其仁又唐書白居易傳居易字一一元稹酬一一吟張員外詩見寄詩一一書

內重封到居敬堂前共讀時

樂春

謝萬春遊賦撫鳴琴而懷古登修臺而一一

樂歲

孟子一一終身飽

樂景

梁簡文帝答張纘謝示集書至如春庭一一轉蕙承風秋雨且晴檐梧初下浮雲生野明月入樓時

命親賓乍
動嚴駕

樂地

晉書樂府傳是時王澄胡毋輔之等皆亦任放為達或至裸體者廣聞而笑曰名教內自有——何

必乃爾

何承天重答顏永嘉書誠著明君澤被萬年

龍章表觀

鳴玉節趨斯亦堯孔之——也張九齡歲

除陪王司馬登薛公逍遙臺序仁不異遠必敷政以愛人窮當益堅已坦懷而——司空圖長安贈王注詩

——留高趣
權門讓後生

樂土

詩——樂土爰得我所李商隱行次西郊詩伊昔稱——所賴牧伯仁

樂壤

蔡襄制誥恤及慈聞相攸——

樂國

詩適彼——蘇軾次韻子由送陳侗知陝州詩甘棠古——白酒金叵羅

樂郊

詩適彼——劉禹錫重送浙西李相公頃廉問

領舊地新加旌旄詩碧雞白

馬迴翔久却憶朱方是——

樂安

漢書地理志千乘郡縣——晉書地理志鄱陽

年析滄州之陽信滴河樂陵厭次置——又易林人

樂昌

史記惠景間侯者年表——侯受以張教魯元太

以宣帝舅父外家封為侯——漢書地理志東郡縣——

唐書地理志韶州始興郡縣——又本事詩陳太

樂都

漢書地理志北海郡縣——後漢書郡國志樂

浪郡——又張衡南都賦於顯——既麗且康

陪京之南
居漢之陽

樂陵

史記建元以來侯者年表——史子長名高以宣
帝大母家貴侍中以發覺霍氏事封漢書地理

志平

原郡縣——又臨淮郡縣——夏侯湛東方

朔畫

贊序大夫諱朔字曼倩平原厭次人也魏建安中

分厭

次以為——

郡故

又為郡人焉

樂平

唐書地理志太原府太原郡縣——又饒州鄱

有屈

原故宅累石為室

基名

其地曰——里

樂嘉

晉書景帝紀鎮東大將軍毋丘儉揚州刺史文欽
舉兵帝叱汝陽遣兗州刺史鄧艾督泰山諸軍進

屯——

示弱以誘之水經注潁水又東南逕博

陽縣

城東城在南頓縣北四十里王莽更名——

樂壽

唐書地理志深州
饒陽郡縣

樂會

唐書地理志瓊州瓊山郡縣
陸機豫章行良自古悼別豈獨今又

樂浪

漢書武帝紀元封三年夏朝鮮斬其王右渠降
其地為臨屯元菟真番郡張衡東京賦西

包大秦東過
疑祥池詩乞與三韓使新圖到

樂圃

宋史朱長文傳築室坊著書閣古吳人化其
賢長吏至莫不先造請謀政所急士大夫過者以

不到
為恥

樂亭

金史禮志百官班俟於毬場
乘輦宣徽使前導自毬場南門入至拜天臺

樂遊

漢書宣帝紀神爵三年春起苑
賦宗孝宣於紹衰緒以中興杜甫園

歌——古園萃森爽煙綿碧草萋萋長公子華筵勢最
高秦川對酒平如掌又山海經——之山桃水出焉

西流注
于稷澤

樂園

梁昭明太子七契靈
禽——儀鳳栖堂

樂館

唐太宗帝京篇鳴笳
臨——眺聽歡芳節

樂菴

宋史李衡傳衡居崑山結茅別墅杖履徜徉左右惟二蒼頭聚書踰萬卷號曰——

樂界

戴叔倫二靈寺守歲詩已悟化
城非——不知今夕是何年

樂所

易林乾作聖男坤為智
女配合成就長住——

樂處

吳融寒食洛陽道詩路岐無——時節倍思家
薛能并州寓懷詩常恐此心無——枉稱年少在

并州

樂居

易林故室舊廬稍蔽紱
組不如新巢可以一一

樂養

韓詩外傳湯作濩聞其宮聲使人溫良而寬大聞
其商聲使人方廉而好義聞其角聲使人惻隱而

愛仁聞其徵聲使人一一而好
施聞其羽聲使人恭敬而好禮

樂施

漢書匡衡傳公卿大夫相與循禮恭讓則民不爭
好仁一一則下不暴上義高節則民興行寬柔和

惠則衆
相愛

樂取

孟子一一於
人以為善

樂得

禮記君子一一其道小人一一其欲
於道者道亦一一之同於德者德亦一一之
老子同

樂告

荀子君子能則人榮學焉不能則人一之

樂玩

易所一而一者文之辭也

樂聖

法言天樂天聖一一又李適之罷相作避賢初罷相一一且銜杯

樂賢

詩小序南有嘉魚一與一也

樂道

孟子古之賢王好善而忘勢古之賢士何獨不然一其一一而忘人之勢漢書東方朔傳今子大夫

修先王之術慕聖人之義諷誦詩書百家之言不可勝數著于竹帛脣腐齒落服膺而不釋好學一一之致明

白甚矣又揚雄傳贊實好古而一一其意欲求文章成名于後世宋史种放傳放與母俱隱終南豹林谷

之東明峰結草為廬僅庇風雨以講習為業從學者衆得東脩以養母母亦一一薄滋味淮南子一一而忘

賤安德而忘貧 駱賓王上李少常伯啓 乘幽控寂追
綺季於青山 一 栖真從魯連於滄海 白居易二年

三月五日齋畢開素當食偶吟贈妻弘
農郡君詩 緬想梁高士 一 喜文章

樂德 詩 葦葦 葦葦 離離 咿咿 傳天下和洽則鳳凰 一 志
淮南子古之存已者 一 而忘賤故名不動志

樂道而忘貧 故利不動心 皮日休九夏歌
鳳之愉愉不籌不斂 一 而至如賓之娛

樂善 五代史和凝傳性 一 一 好稱道後進之士 沈炯
太尉始興昭烈王碑 東平之 一 陳思之藻麗

唐明皇同王真公主過大哥山池詩 地有招賢處人傳
一 一 名 高適信安王幕府詩 一 一 旌深德輸忠格上

元

樂義 孟子尊德 一 一 則可以囂囂矣 宋史侯可傳可
輕財 一 一 急人之急 憂人之憂 法言為政日新

或以人敢問曰新曰使之利其仁其一日新

樂學

禮記不學操縵不能安弦不學博依不能安詩不學雜服不能安禮不興其藝不能一

樂古

後漢書安帝紀皇太后詔曰長安侯祐質性忠孝小心翼翼能通詩論篤學一仁惠愛下北史

辛紹先傳子鳳達耽道一有長者之名高允徵士頌思賢一如渴如饑嵇康琴賦若和平者聽之則

怡養悅愉淑穆元真
怡虛一棄事遺身

樂臧

荀子熙熙今其
一一人之也

樂命

李白少年行男兒百年且
一一何須徇書受貧病

樂王

詩來游來歌以矢其音箋王能待賢者如是則樂
易之君子來就王游而歌以陳出其聲音言其將

以——也感
王之善心也

樂位

陶潛諸侯孝傳周公制禮作樂郊祀后稷以配天

其職來祭詩曰於穆清廟肅雍顯
相言諸侯——其——而敬其事也

樂職

漢書何武傳益州刺史王襄使辯士王褒頌漢德
作中和——宣布詩三篇武年十四五與成都楊

覆衆等共習歌之注——謂百官萬姓樂得其常道也
道德指歸論和睦順從上下無怨百官——萬事自

然張說為留守作奏慶山醴泉表朝百神之——宅
萬國之歡心蘇軾送費訥倅眉詩我老不堪歌——

後生試覓
子淵才

樂政

梁元帝元覽賦睇泰伯之卜祀爰避國
於勾吳去西辭之——尊東夷之楷模

樂治

淮南子聖人在上則民一其

樂人

楞嚴經若諸衆生一一修人我現人身而為說法令其成就

樂賓

禮記主人請曰某有枉矢哨壺請以一

樂客

李白下途歸石門舊居詩別君莫道不盡歡懸知一一遙相待

樂羣

禮記一年視離經辨志三年視敬業一一五年視博習親師七年視論學取友謂之小成

樂友

禮記安其學而親其師一其一一信其道

樂仙

陳子昂潘尊師碑頌有唐高宗今天子之先好道一一今思彼雲鄉

樂事

禮記一一勸功尊君親上然後興學春渚紀聞東坡先生曰某平生無快意事唯作文章意之所

到則筆力曲折無不盡意自謂世間——無踰此者
謝靈運擬魏太子鄴中集詩序天下良辰美景賞心——
——四者難并李白春夜宴諸從弟桃李園序會桃李
之芳園序天倫之——韓翃贈王隨詩青雲自致晚

應遙朱邨新
婚——饒

樂心

禮記其——感者其聲嘽以緩荀
子君子以鐘鼓導志以琴瑟——

樂志

禮記獨——其——不厭其道備舉其道不私其欲
戰國策肥義曰昔舜舞有苗而禹袒入裸國非以

養欲而——也欲以論德而要功也後漢書仲長統
傳統常以為凡游帝王者欲以立身揚名耳而名不常
存人生易滅優游偃仰可以自娛欲卜居清曠以——其
——莊子若伯夷叔齊者其于富貴也苟可得已則必
不賴高節戾行獨——其——不事于世此二士之節也
陸機與趙王倫薦戴淵箋安窮——無風塵之慕砥節

立行有井渫之潔 潘尼安石榴賦華
實並麗滋味亦殊可以一一可以充虛

樂意 莊子彼富則人歸之歸則下之下則貴之夫見下
貴者所以長生安體一一之道也 荀子以治情

則利以為名則榮以羣則和以獨則足一一者其是耶
晁補之跋曼卿詩石公曼卿題張氏園亭詩云一一

相關禽對語生香不斷樹交花張公曾孫大方崎立兩
亭一曰一一一曰生香 傅休奕董逃行歷九秋篇還

幸蘭芳自安娛
心一一難原

樂氣 春秋繁露喜氣為煖而當春怒氣為清而當秋一
為太陽而當夏哀氣為太陰而當冬四氣者天

與人所
同有也

樂淚 嵇康聲無哀樂論夫食辛之與甚噉薰目之與哀
泣同用出淚使狄牙嘗之必不言一一甜而哀淚

苦斯可
知矣

樂行

易則則之
憂則違之

樂言

荀子凡言不合先王不順禮義謂之姦言雖辯君子不聽法先王順禮義黨學者然而不好言不

志好則必非誠士也故君子之於言也
則必非誠士也故君子之於言也

樂詠

世說有人目杜弘治標鮮
清令威德之風可也

樂說

梁簡文帝莊嚴旻法師成實論義疏序
總持均阿難之德有富樓之功

樂靜

宋史李昭玘傳入黨籍中居閑十五年自號
先生陸龜蒙襲美見題郊居十首因次韻酬之

以仲榮謝詩近來唯
移傍故城居

樂潛

後漢書申屠蟠傳安貧——味道守真
陸雲贈鄭曼季詩嗟我懷人其居——

樂恬

淮南子凡人之性——
而憎憫樂佚而憎勞

樂佚

淮南子
見上

樂軼

史記燕召公世家昭王二十八年燕國殷富士卒
——輕戰於是遂以樂毅為上將軍與秦楚三晉

合謀以
伐齊

樂進

張子正蒙顏子——
故願無伐善無施勞

樂息

道德指歸論天地之心安生——
憎惡殺傷故命聖人為萬物王

樂幽

陸雲詩閒居外
物靜言——

樂貧

盧綸客舍喜崔補闕司空拾遺訪宿詩悲榮俱是分吾亦一吾一

樂賤

後漢書張楷傳漢安元年順帝特下詔告河南尹曰故長陵令張楷行慕原憲操擬夷齊輕貴一一

竄跡幽數高志
確然獨拔羣俗

樂飢

詩泌之洋洋可以一一

樂困

道德指歸論安貧一一卑賤為常

樂下

道德指歸論謙虛止足卑損自牧一一如水久而不忒

樂憂

左傳子羽謂子皮曰國子代人憂子招一一齊子雖憂弗害

樂耕

唐書食貨志民納租以去歲輸數為常罷據額所率者增闢勿益租廢耕不降數定戶之際視雜產

以校之田既有常租則不宜復入
兩稅如此不督課而人人一矣

樂田

荀子其耕者一其戰士安難其百吏好
法其朝廷隆禮其卿相調議是治國已

樂疇

史記秦始皇紀男
其一女脩其業

樂業

詩楚茨序疏言古之明王能政簡歛輕田疇墾闢
年有豐穰時無災厲祭祀則鬼神歆饗下民則安

土

漢書成帝紀律書文帝時會天下新去湯火人民
史記律書文帝時會天下新去湯火人民

統傳

安居一長養子孫王褒四子講德論今四海
朝廷淑清王融三月三日曲水詩序草萊

守屏

稱事錢起冬夜題旅館
飛憶林藪一一羨黎庶

樂產

後漢書魯恭傳今邊境無事宜當修仁
行義尚于無為令家給人足安業一一

樂宅

管子安鄉一享祭而謳吟
稱號者皆誅所以留民俗也

樂漁

姜子文王乃齋三日田于渭陽卒見太公
坐茅以漁文王勞而問之曰子一耶

樂獵

曹植獵表于七月伏鹿鳴塵四月
五月射雉之際此正一一之時

樂戰

史記楚世家秦乃遺楚王書曰楚倍秦秦且率諸
侯伐楚爭一旦之命願王之飭士卒得一

莊子兵革之士一一淮南子將克勇而輕敵卒果敢
而一一三軍之衆百萬之師志厲青雲氣如飄風聲如

雷霆誠積踰而威
加敵人此謂氣勢

樂昏

周禮遂人以一一擾忙注一一勸
其昏姻如媒氏會男女也擾順也

樂飲

晉書陶侃傳侃早孤貧為縣吏鄱陽孝廉范逵嘗
過侃時倉卒無以待賓其母乃截髮得雙髮以易

酒有——極歡雖
僕從亦過所望

樂酒詩——今夕
君子維宴

樂餌——過客宜留
江總攝山棲霞寺碑頌辭題翠琰字勒銀鈎賢乎
陳師道答黃生詩綈袍不受故

人意——肯
為兒輩屈

樂林——
酉陽雜俎大象百頭頭有十牙牙端有百浴池頂
有山名界莊嚴鼻有河如閭牟那河水散落世界

為霧脅有二園一名喜林一名——象名伊羅婆那
庾信湯鮮祝網贊穀為祥樹桑成——梁宣帝遊七

山寺賦歷——而南
上升法華而望西

樂樹——
江總修心賦喜園
迢遞——扶疎

樂藻

白居易玩松竹詩棲鳳
安于梧潛魚一于

樂鸛

莊子今休歎啓寡聞之民也吾告以至人之德譬
之若載鼉以車馬一一以鐘鼓也彼又烏能無驚

哉乎

樂飛

夏侯湛觀飛鳥賦苟臨淵
而羨魚亦觀翔而一一

樂方

魏文帝秋胡行有美一人婉如清揚知音識曲善
為一一曹植關鷄篇主人寂無為衆賓進一一

亭詩

李邕登歷下古城員外孫新
形制開古跡曾冰延一一

樂染

劉孝綽賦詠百論捨罪福詩
一知心相濁一一法流清

樂留

後漢書馬援傳公孫述欲授援以封侯大將軍位
賓客皆一一援曉之曰天下雄雌未定公孫不能

吐哺走迎國士與圖成敗反修飾邊幅如
備人形此子何足久稽天下士乎因辭歸

樂俗

漢書徐樂傳先帝之德未衰而安土
之民衆故諸侯無竟外之助

樂易

唐書李紆傳紆性——喜接後進
默為人——平居未嘗評品人物

元史竇默傳
荀子安利者

常——危害
者常憂險

樂託

世說謝中郎云王修載
——之性出自門風

樂懼

晉書王羲之傳謝安嘗謂羲之曰中年以來傷於
哀樂與親友別輒作數日惡羲之曰年在桑榆自

然至此項正賴絲竹陶寫恒
恐兒輩覺損其——之趣

樂耽

馮衍顯志賦忽道德之
珍麗今務富貴之——

樂欣

張協洛襖賦美節慶之
動物悅羣生之

樂娛

易林駢駕蹇驢日暮失
時居者無憂保我

樂喜

易林雲夢大藪索有所
在虞人共職驪駒

樂多

說苑孔子見榮啓期衣鹿皮裘鼓瑟而歌
孔子問曰先生何樂也對曰吾

樂甚

許敬宗奉和過舊宅應制詩
情深感代國

樂極

謝朓賽敬亭山廟喜雨詩福被延民澤
鄉李白訓岑勲見尋就元丹丘對酒相待以詩

見招詩開顏酌美酒
忽成醉

樂過

張說大唐封禪壇頌序城邑連歡丘
陵聚舞其中垂白之老

以泣

樂彈

張協七命陵阜霑流膏谿谷
厭芳煙歡極一一迴節而旋

樂好

禮記儒有委之以貨財淹之以利一見利不虧其
義疏淹之以一一謂他人淹漬之以愛一華一之

事言

以愛一玩
一浸漬之也

樂始

管子衛國之教危傳以利公子開方之為
人也慧以給不能久而一一可游於衛

樂成

史記商君傳民不可與慮始而可與一一又漢
書地理志南陽郡縣一一又河間國縣一一

唐書

地理志温州

永嘉

郡縣一一

樂生

漢書刑法志自建武永平民亦新免兵革之禍人
有一一之慮與高惠之間同列子善一一者不

寔善逸身

者不殖

欽定四庫全書

御定駢字類編

卷二百三十二

三

樂變

莊子勢物之徒——
注權勢生於事變——

樂前

蜀志卻正傳不——以
顧軒不就後以慮輕

樂往

後漢書張衡傳惟盤逸之
無數兮懼——而哀來

樂終

公羊傳君子之惡惡也疾始善
善也——注——賢者——其行

樂此

後漢書光武帝紀每旦視朝日仄迺罷數引公卿
郎將講論經理夜分迺寐皇太子見帝勤勞不怠

乘間諫曰陛下有禹湯之明而失黃老養性之福願
愛精神優游自寧帝曰我自——不為疲也蘇軾江

郊詩意釣忘
魚——竿綫

樂豈

詩王在在鎬飲酒——按豈同愷沈約
郊居賦望商飈而永歎每——於斯觀

樂胥

詩君子——受天之祜
漢書司馬相如傳載雲
罕揜羣雅悲伐檀樂——
班固靈臺詩屢惟豐

年於皇——周伯琦紀恩
詩師道尊無上賢關競——

樂只

詩——君子福履綏之
又——君子民之父母

樂止

元史禮樂志神胥——錫之
醇釀天子萬世福祿無窮

樂兮

詩振振鷺鷺于下鼓咽
咽醉言舞于胥——

樂夫

國語悼公與司馬侯升臺而望曰——對
曰臨下之樂則樂矣德義之樂則未也

樂矣

戰國策於是楚王遊于雲夢結駟千乘旌旗蔽天
野火之起也若雲蜺咒虎嗥之聲若雷霆有狂咒

踰車依輪而至王親引弓而射一發而殪王抽
旃旄而抑咒首仰天而笑曰——今日之遊也

欽定四庫全書

御定駢字類編

卷二百三十二

三七

樂之

詩窈窕淑女鐘鼓一韓詩外傳子夏讀詩已

事也昭昭乎若日月之光明燎燎乎如星辰之錯行上

有堯舜之道

下有三王之義弟子不敢忘雖居蓬戶之

中彈琴以詠

先王之風有人亦一

一無人亦一

亦可發憤忘食矣

樂哉

宋書樂志一一天下安寧道化行風俗清韓詩

外傳孔子云

美哉顏無父之御也馬知後有與而

輕之知上有人而愛之馬親其正而愛其事如使馬能

言彼將必曰

一今日之騶也周捨梁鞞舞歌淮海

無橫波文軌同一土一太平世當歌復當舞陸游

芳華樓夜飲詩

結客追遊亦一城南城北古池臺

樂乎

蘇軾後赤壁賦須臾客去予亦就睡夢一道士羽

衣翩躚過

臨皋之下揖予而言曰赤壁之遊一

樂彼

莊子故不為軒冕肆志不為窮約趨俗其一一與此同故無憂而已矣

樂受

陸游跋吳夢予詩編後世將曰是窮人之工於歌詩者計吾吳君之情亦豈一一此名哉

樂屬

晉書會稽王道子傳道子世子元顯發東土諸郡免奴為客者號曰一一移置京師以充兵役

樂持

楞嚴經若有男子一一五戒我於彼前現優婆塞身而為說法令其成就

樂度

楞嚴經若諸非人有形無形有想無想一一其倫我於彼前皆現其身而為說法令其成就

賞

賞慶

詩克長克君箋一一刑威曰君後漢書應劭傳凡爵列官秩一一刑威皆以類相從使當其實也

賞勲

後漢書光武帝紀褒德一一親睦九族功臣宗室咸蒙封爵

賞功

韓非子官職所以任賢也爵祿所以一一也孔叢子一一于祖告分之均示不敢專也阮籍為

鄭冲勸晉王賤聖王作制百代同風褒德——有自來矣

賞典

隋書元諧傳深謀大節實簡朕心加禮延代宜隆——曾鞏賞功制稽諸——宜進官榮

賞秩

南史宋南郡王義宣傳孝武即位授都督八州諸軍事荆湘二州刺史持節侍中丞相如故將佐以

下並加

賞祿

商子湯武天下大定築五庫藏五兵偃武事行文教倒載戟戈搢笏作為樂以申其德當此時也——

——不行而民整齊

賞官

漢書黃霸傳武帝末以待詔入錢——補侍郎謁者注師古曰因入錢而見——以——

賞賜

周禮小宗伯掌衣服車旗宮室之——史記孝文帝紀——長老收恤孤獨以育羣生又平準

書天子北至朔方東到泰山巡海上並北邊以歸所過
一一用帛百餘萬匹金錢以巨萬計皆取足大農漢
書李廣傳廣歷七郡太守前後四十餘年得一一輒分
其戲下管子誅殺當其罪一一當其功曹植大魏
篇一一累千億
百官俱富昌

賞錫

北史景穆十二王傳城陽王長壽子鸞鸞子徽除
太保錄尚書事總統內外性多嫉妒又惜財用于

時有所一一

咸出薄少

賞錄

魏志荀或傳注太祖表曰先帝貴指縱之功薄搏
獲之賞古人尚帷幄之規下攻拔之捷前所一一

未副

或魏巍之勲乞

重平議疇其戶邑

賞拔

唐書蘇晉傳歷戶部侍郎遷吏部時宋璟兼尚書
事晉與齊澣更典二都選既糊名校判而晉獨事

時譽之

賞擢

陳書陳寶應傳若能翻然改圖
因機立效非止肆眚仍加

賞愛

南史張緒傳劉悛之為益州獻蜀柳數株枝條甚
長狀若絲縷時舊宮芳林苑始成武帝以植于太

昌靈和殿前常賞玩咨嗟曰此楊柳風
流可愛似張緒當年時其見

賞識

宋史歐陽修傳修獎引後進如
恐不及

賞好

宋書謝靈運傳論自漢至魏四百餘年辭人才子
文體三變相如巧為形似之言班固長于情理之

說子建仲宣以氣質為體並標能擅美獨映當時以
一世之士各相慕習原其騷流所始莫不同祖風騷徒

以異情
故意製相詭

賞美

南史柳惔傳嘗和武帝登景陽樓篇云太液滄波起長楊高樹秋翠華承漢遠雕輦逐風游深見

賞遇

宋書顏延之傳元嘉三年徵為中書侍郎尋轉太子中庶子頃之領步兵校尉甚厚

賞敬

南史柳惔傳僕射張稷與惔狎密而為惔妻一一稷每詣惔必先相問夫人

賞譽

韓非子一一厚而信者下輕死

賞德

梁元帝褒庾詵劉之遴詔荆南信多君子雖美歸田鳳清屬桓階一一標奇未過此子

賞善

左傳良君將一一而刑淫國語先王之令有之曰天道一一而罰淫素書義者人之所宜一一

罰惡以立功立事韓非子刑過不避大臣一一不遺匹夫

賞賢 左傳子會而赦有罪又——其——諸侯其誰不欣焉
望楚而歸之視遠如邇 管子量功——以動陽

氣

賞勤 劉禹錫詩小兒弄筆不
能嗔浣壁書牕且——

賞勞 北史司馬裔傳起家司徒府參軍事後為員外散
騎常侍大統三年大軍復弘農乃于溫城送款歸
西魏六年授北徐州刺史八年
入朝周文帝嘉之特蒙——

賞勉 韓詩外傳——
罰偷則民不怠

賞俊 韓愈送僧澄觀詩好奇——
直難逢去去為致思從容

賞酬 文獻通考後唐同光三年吏部尚書李琪奏請勅
下諸道合差百姓轉般之數有能出力運官物到

京者五百石以上白身授一初任州縣官有官者依資
次選授欠選者便與放選千石以上至萬石者不拘文
武顯是——免令方春農人流
散此亦轉倉贍軍之一術也

賞報 北史王仲興傳後以仲興——過優北
海王詳嘗以面啓奏請降減事久不決

賞贛 殷富好為室屋鄉黨榮慕謂之龐家遂以立氏贛
殷就篇龐——注龐者高屋之名龐氏之先貲產

賜也——意
與得賜同

賞賂 後漢書鄧訓傳——諸羌種使相招誘迷唐伯父
號迷吾乃將其母及種人八百戶自塞外來降

賞給 宋史劉溫叟傳人主非時登樓則近制咸望恩宥
輦下諸軍亦希——又謝泌傳因郊祀條上軍

士——
之數

賞禮

左傳鄭伯賞入陳之功賜子產次路再命之服先六邑子產辭邑曰自上以下隆殺以兩禮也臣之

位在四且子展之功也臣不敢及一一請辭邑

賞格

陳書陳寶應傳其餘立功立事已具一一南史陳後主紀重立一一分兵鎮守要害

賞物

北史梁椿傳椿性果毅善于撫納所獲一一分賜麾下故每踐敵場咸得其死力又歐陽修冬後

三日陪丁元珍遊東山寺詩為貪

一一來猶早迎臘梅花吐未齊

賞直

後漢書度尚傳延熹五年長沙零陵賊入桂陽蒼梧南海交趾交趾蒼梧二郡皆沒遣御史中丞盛

修募兵討之不能剋豫章艾縣人六百餘人應募而不得一一怨恚遂焚燒長沙郡縣寇益陽

賞地

周禮司勳掌六鄉一一之灋以等其功注一一賞田也在遠郊之內屬六鄉焉又韓翃贈別成明

府赴劔南詩公門輒
無事——能相親

賞田周禮見上又載師以官田牛田——牧田任遠
郊之地注——者賞賜之田左傳楚圍宋之役

師還子重請取于
申呂以為——

賞婢世說桓征西治江陵城甚麗會賓僚出江津望之
云若能目此城有賞顧長康時為客在坐目曰遙

望層城丹樓如霞
桓即——以二——

賞錢南史越傳太守夏侯穆擢為隊主蠻有為寇盜
者常使越討伐往輒有功家貧無以市馬刀楯步

出單身挺戰衆莫能當每一捷
郡將輒——五千因此得買馬

賞帛晉書石勒載記勒親臨大小學考
諸學生經義尤高者——有差

賞絹

隋書經籍志開皇三年秘書監牛弘表請分遣使人搜訪異本每書一卷一一一匹校寫既定本即

歸主于是民間

異書往往間出

賞羊

北史邢邵傳舊格制生兩男者一一五口不然則絹十匹僕射崔暹奏絕之邵云此格不宜輒斷句

踐以區區之越賞法生三男者給乳母况以天下之大而絕此條不可詔從之

賞厚

後漢書馬援傳初援軍還將至故人多迎勞之平陵人孟冀名有計謀於坐賀援謂之曰吾望子

有善言反同衆人耶昔伏波將軍路博德開置七郡裁封數百戶今我微勞猥饗大縣功簿一一何以能長久

乎宋史李繼和傳一一則人無內顧之憂恩深則士有効死之志韓非子一一而信人輕敵矣刑重而必

人不北矣陳琳為袁紹上漢帝書守文之世德高者位尊倉卒之時功多者一一

賞薄

吳志鍾離牧傳注馬援有言人當功多而一一徐陵陳公九錫詔未有功高于寓縣而一一于伊

周

賞本

呂氏春秋晉文公將伐鄴趙衰言所以勝鄴之術文公用之果勝還將行賞衰曰君將一一其一一乎賞

其末乎賞其末則騎乘者存
一一其一一則臣聞之郤子虎

賞末

呂氏春秋見上

賞多

汲冢周書人衆一一罰少政之美也罰多賞少政之惡也罰多則困一一則乏困無醜教乃不至

賞少

汲冢周書見上新論善賞者因民所喜以勸善善罰者因民所惡以禁奸故一一而善勸刑薄而

奸息

賞先 晉書石勒載記勒曰自孤起軍十六年于茲矣文
武將士從孤征伐者莫不蒙犯矢石備嘗險阻其
在葛陂之役厥功尤
著宜為一之也

賞首 淮南子趙襄子圍于晉陽罷圍而賞有功者五人
高赫為一左右曰晉陽之難赫無大功今為一

一何也襄子曰晉陽之圍寡人社稷危國家殆羣臣無
不有驕侮之心唯赫不失君臣之禮故賞一人而天下
為忠之臣者莫不願忠于其
君此賞少而勸善者衆也

賞最 楊炯後周明威將軍梁待賓
神道碑疇庸一一我有力焉

賞一 文中子杜如晦問政子曰推爾誠
舉爾類一一以勸百罰一一以懲衆

賞延 書罰弗及嗣一一之渥恩在弱齡而覃惠
祿賦荷一一謝靈運辭

賞同

韓非子賞善罰暴舉善之至者也賞暴罰善舉惡之至者也是謂一一罰異

賞異

漢書馮奉世傳功同一一則勞臣疑罪均刑殊則百姓惑劉勰新論識齊而一一不可以稱正迹

同而評殊未得以言平又南史張緒傳王儉為尚書令丹陽尹時諸令史來問訊有一令史善俯仰進止可

觀儉一一之

又劉孝綽傳綽聰敏七

歲能屬文

舅齊中書郎王融深一一之

賞峻

江淹為蕭重讓揚州表功狹一一世誥所譴才弱寵隆道經所諱

賞至

庾信三月三日華林園馬射賦司筵一一酒正杯來

賞罰

周禮小司徒凡用衆庶則掌其政教與其戒禁聽其辭訟施其一一誅其犯命者史記律書晉用

咎犯而齊用王子吳用孫武申明軍約一一必信卒霸諸侯無列邦士漢書食貨志欲民務農在于貴粟貴

粟之道在于使民呂粟為一一蜀志諸葛亮傳亮身
率諸軍攻祁山戎陣整齊一一肅而號令明韓詩外
傳治心術則不妄喜怒則一一不阿韓愈
平淮西碑皇帝曰度惟汝子同汝遂相予以一一用命
不用命

賞刑

左傳詩云惠此中國以綏四方不失一一之謂
也秦觀隕星石詩疇昔同列者到今司一一

賞黜

王融請習校部曲疏指開
一一之言微示生死之路

賞責

唐書李抱真傳戰伐後賦重人困軍伍彫剝乃籍
戶三丁擇一蠲其徭租給弓矢令閑月得曹偶習

射歲終大校親按籍第能否一一比
三年皆為精兵舉所部得成卒二萬

賞禁

商子王者以
一一以刑勸

賞月

杜甫夔府書懷詩——延秋桂傾陽逐露葵孔武仲祠二廟之明日未得順風呈同行詩吟詩——

沽酒巴陵市

岳陽樓買魚

賞雨

司空圖詩品玉壺買春——茆屋坐中佳士左右修竹

賞雪

聞見前錄謝希深歐陽永叔官洛陽時同遊嵩山自潁陽歸暮抵龍門香山雪作登石樓望都城各

有所懷忽于煙靄中有策馬渡伊水來者既至乃錢相遣厨傳歌妓至吏傳公言曰山行良勞當少留龍門——府事簡無遽歸也

賞春

劉兼春遊詩柳成金穗草如茵載酒尋花共——

賞溪

唐宣宗題涇縣水西寺詩大殿連雲接——鐘聲還與鼓聲齊

賞花

宋史禮志雍熙二年四月二日詔輔臣三司使翰林樞密直學士尚書省四品兩省五品以上三館

學士

宴于後苑——釣魚張樂賜飲命羣臣賦詩習射——曲宴自此始——遼史聖宗紀統和五年三月癸亥

朔幸

長春宮——釣魚以牡丹遍賜羣臣歡宴累日

元稹

酬竇校書詩——珠並綴看雪壁常連——王禹偁

謫居

感事詩——臨

鳳沼

侍釣立魚坻

賞幽

李白秋夜宿龍門香山寺奉寄王方城十七丈奉國瑩上人從弟幼成令問詩望極九霄迥——萬

通壑

賞靜

杜甫徐九少尹見過詩——憐雲竹忘歸步月臺范梈山齋詩辭榮豈敢要時論——猶應愧古

人

賞眺

高適和竇侍御登涼州七級浮圖之作鐵冠雄——金界寵招攜王安石招約之職方并示正甫

書記

詩吾廬雖隱翳——還自足

賞讌

孟浩然和賈主簿并九日登峴山詩楚萬重陽日羣公——來

賞玩

晉書紀瞻傳瞻立宅于烏衣巷館宇崇麗園池竹木有足——焉續仙傳潤州鶴林寺杜鵑花高

丈餘每春末開花爛熳節使賓僚一城士庶無不——者杜審言和韋承慶過義陽公主山池詩——期他

日高深愛此時韓愈詠雪贈張籍詩——捐他事歌謠放我才

賞詠

宣和畫譜內臣樂士宣晚年尤工水墨縑綃數幅惟作水蓼三五枝鷗鷺一雙浮沉於滄浪之間殆

與杜甫詩意相參士大夫見之莫不——王逢送郡知事李仲常還金華詩過家饒——來紙細絨滕

賞笑

南史劉穆之傳穆之內總朝政外供軍旅決斷如流事無擁滯又言談一一彌日亘時未嘗倦苦

賞興

南史齊桂陽王鑠傳鑠性理偏詖遇其一則詩酒連日情有所廢則兄弟不通

賞洽

賈賔王冬日宴詩一袁公地情披樂令天

賞愜

朱子憶齋中詩一慮方融理會心自閑

賞逸

北史序傳仲舉以琴書自娛優游一一視人世蔑如也

賞弄

李白日夕山中忽然有懷詩山深雲更好一一終日夕

賞適

北史陽休之傳天統初除吏部尚書休之簡率不樂煩職典選稍久非其所好每謂人曰此官實自

清華但煩劇妨吾一一

尋

賞慰

江總夏日還山庭詩停樽無——狎鳥自經過
盧照鄰酬張少甫東之詩十年睽——萬里隔招

賞悉

梁元帝與劉孝綽書新有所製想能示之
勿等清慮徒虛其請無由——遣此代懷

賞要

袁宏三國名臣贊英英文若靈
鑒洞照應變知微探蹟——

賞奇

鄭昉人不易知詩寅亮
推多士清通固——

賞文

江淹袁叔明傳好
妙——獨絕于世

賞音

吳志周瑜傳注見雅曲下
實唱高猶——爾——陸游歲晚詩鹿門采藥悠然

去千載龐

公是——

賞味

南史謝覽傳梁武平建業朝士皆拜覽時年二十餘為太子舍人長揖而已意氣閑雅視瞻聰明武

帝目送良久謂徐勉曰此生芳蘭竟體想謝莊正當如此自此仍被

宋史胡宗炎傳宗炎善為詩藻思

清婉歐陽修守亳與客游郡園或誦其詩修

一不己以為有鮑謝風致

賞歎

唐書杜元穎傳為翰林學士敏文辭憲宗持所

賞契

謝靈運相逢行一少能諧斷金斷可寶

賞激

宋史柳開傳王祐知大名開以文贄大蒙一劉禹錫武昌老人說笛歌自言少小學吹笛早事

曹王曾一蘇舜欽和菱磧石歌苟非高賢獨一一終古棄卧於窮津

賞鑒

宋史劉溫叟傳立朝有德望精一一門生中尤契楊徽之趙鄰幾後皆為名士

賞擊

李嗣貞後書品思
話仙才長融

賞覲

孟郊和宣州錢判官使院廳前石
楠樹詩養此奉君子——日為娛

賞得

世說袁虎少貧嘗為人傭載運租謝鎮西經船行
其夜清風朗月聞江渚間估客船上詠詩聲甚

有情致所誦五言又其所未嘗聞歎美不能已即遣委
曲訊問乃是袁自詠其所作詠史詩因此相要大相——

1

賞狎

南史柳惲傳初宋時有嵇元榮羊蓋者並善琴惲
從之學特窮其妙齊竟陵王子良聞而引為法曹

行參軍雅被
子良——

賞接

南史鍾嶸傳嶸齊永明中為國子生明
周易衛將軍王儉領祭酒頗——之

欽定四庫全書

御定駢字類編

四八

賞召

齊書劉繪傳豫章王嶷為江州以繪為左軍主簿隨鎮江陵轉鎮西外兵曹參軍驃騎主簿繪聰警

有文義善隸書數被一進對華敏僚吏之中見過莫及

賞納

陳書周弘正傳弘正年十歲通老子周易河東裴子野深相一一請以女妻之

賞結

江淹為蕭讓劍履殊禮表諒由功饒一一名高器深

賞世

韓詩外傳孔子閒居子貢侍坐請問為人下之道孔子曰為人下其猶土乎子貢未達孔子曰夫土

者掘之得甘泉焉樹之得五穀焉草木植焉鳥獸魚龜遂焉生則立焉死則入焉多功不言一一不絕故曰能

為下者其惟土乎

賞悟

南史文學傳論蘊思含毫遊心內運放言落紙氣韻天成莫不稟以生靈遷乎愛嗜機見殊門一一

紛雜感召無
象變化不窮

賞心

謝靈運擬魏太子鄴中集詩序見樂事下

賞意

盧諶贈劉琨詩誰謂言精致在

賞替

李商隱柳詩傾國宜通體誰來獨

賞者

溫庭筠余昔自西濱得蘭數本移藝于庭亦既逾歲而芄然蕃殖自余遊者未始以芳草為遇矣因

悲夫物有厭常而反不若混然者有之焉
遂寄情于此詩豈為一一設自保孤根生

賞之

左傳善則一一過則匡之韓非子一一譽之不勸罰之毀之不畏四者加焉不變則除之

賞魏

張說送鄭大夫惟忠從公主入蕃詩和我應一一定遠莫辭班

賞鄙

潛夫論聖王責小以厲大——以招賢然後良士集于朝下情達于君也

賞獲

庾信三月三日華林園馬射賦序太史聽鼓而論功司馬張旃而——

賞俘

南史陳武帝紀是時以——
——賀酒者一人裁得一醉

賞邏

宋史章惇傳惇知天下怨已欲塞其議請詔中外察民妄語者論如律優立——告訐之風浸盛

賞僭

左傳善為國者賞不僭而刑不濫——
——則懼及淫人刑濫則懼及善人

賞謬

唐書魏徵傳刑濫則小人道長——則君子道消

賞罪

後漢書馮衍傳昔高祖——
——李布之——誅丁固之功

賞姦

左傳下義其罪上——其——

賞盜

左傳庶其竊邑于邾以來子以姬氏妻之而與之邑其從者皆有賜焉若大盜禮焉以君之姑姊與

其大邑其次早牧與馬其小者衣裳劍帶是也賞而去之其或難焉

賞賊

荀子罰其忠一其夫是之謂至闇

賞絕

鮑照凌煙樓銘序悲積陳古一舊年

賞沒

鮑照芙蓉賦恨狎世而貽賤徒愛存而一一

賞奏

劉琨答盧湛詩音以一一味以殊珍

賞賀

東京夢華錄凡娶媳婦次日拜尊長親戚各有絲段巧作鞵襪等為獻謂之一一尊長則復換一足

回之謂之答賀

賞平

新論賞雖勸善不可無罰罰雖禁惡不可無賞一一罰當則理道立矣

賞信

唐書李光弼傳贊光弼拔任兵柄其策敵致勝不世出一一罰明士卒爭奮毅然有古良將風新

論罰必施于有過賞必加于有功苟能一一而罰明則萬民從之若舟之循川車之遵路亦奚向而不濟何行

而弗臻矣

賞疑

書罪疑惟輕功疑惟重傳刑疑附輕一一從重忠厚之至新序獄疑則從去一一則從與

賞事

儲光義獻高使君大酺作肅穆郊裡畢工歌一一并韓翃送丹陽劉太真詩長干道上落花朝羨

爾當年一一饒

賞際

溫庭筠余昔自西濱得蘭數本移藝于庭亦既逾歲而芄然蕃殖自余遊者未始以芳草為遇矣因

悲夫物有厭常而反不若混然者有之焉
遂寄情于此詩——林壑近泛餘煙露清

賞罷

鄭玉元宵詩——花燈步
月歸自將拄杖叩柴扉

御定駢字類編卷二百三十二

欽定四庫全書

御定駢字類編卷二百三十三

補遺

人事門九

瑞

瑞福

王褒四子講德論天
人並應屢降——

瑞符

李程曰五色賦浩浩天樞洋
洋聖謨德之交感——必相——

瑞應

詩周南召南譜麟趾言公子之信厚
駒虞歎國君之仁心自取獸名別為興喻非歎——杜預春

秋左傳序疏禮器曰升中于天而鳳凰降龜龍假詩序
曰麟趾關雉之應駒虞鵲巢之應駒虞即白虎也是龜

龍白虎並為一一史記禮書古者太平萬民和喜一

一辨至乃采風俗定制作後漢書百官志太史令一

人六百石凡國有一一災異掌記之隋書經籍志一

一圖二卷皇德一一賦頌一卷庾肩吾和太子重雲

殿受戒詩萬年逢

一一千生值法身

瑞命

一班彪遊居賦謀神人以動作享烏魚之一
張衡東京賦總集一一備致嘉祥

瑞聖

馬顏延之赭白馬賦實有騰光吐圖疇德一一之符
李庚東都賦表賢則河水變清一一則洛圖

出屢

瑞感

南史柳惔傳武帝之鎮襄陽惔祖道帝解茅土玉
環贈之天監二年元會帝謂曰卿所佩玉環是新

亭所贈耶對曰既爾一

一神衷臣謹服之無斁

瑞祝

周禮太祝掌六祝之辭五曰一一梅堯臣希深惠書言與師魯子聰永叔幾道遊嵩因誦而韻之

開君奉宸詔

一一疑靈岫

瑞堯

陸倕石闕銘注赤龍負圖以一一

瑞官

魏書李彪傳自一一文而卑高陳民師建而賤貴序此乃人間之繩式也

瑞啓

梁簡文帝上武帝菩提樹頌啓一一黃龍中山興頌

瑞開

駱賓王為齊州父老請陪封禪表河浮五老啓赤文于帝期海薦四神奉丹書于王會一一三脊祥

洽五

雲

瑞彰

陳詡西掖瑞柳賦柳變西掖一一聖時

瑞發

陳誦西掖瑞柳賦
匪遙成天意之孔昭

瑞降

羅哀謝史館裴相公啓霖施而
窮澤生流一而枯條更肄

瑞潛

揚雄劇秦美新甘露嘉
醴景曜浸潭之一

瑞異

南方草木狀吳黃武中交趾太守士燮獻橘十七
實同一蒂以為一羣臣畢賀小學紺珠宋朝

會要二十一類九曰一一蘇軾
異鵲詩里人驚一一野老笑而嗟

瑞美

宋明帝宋泰始歌舞曲
帝圖凝遠一一昭宣

瑞夢

隋煬帝答智顗遺旨書即于今月十八日仍感一
是知濟度已降舟航張文成滄州高弓縣實

性寺什迦像碑薦玉像
於祥符啓金人之一一

瑞徵

司馬相如封禪文厥
塗靡蹤天

瑞圖

王逸九思懿風后芳受
篇兮披
杜甫鳳凰臺詩自天銜
飛下

十二樓

瑞典

徐彥伯南郊賦張集靈之
五色賦驗
之所應知淳風之不遐
李程日

瑞紀

李嶠宣州大雲寺碑頌其
旌識善緣樹其階梯所以
津梁法俗

瑞驗

皇甫沔仙都草堂記山有鼎湖中產異
蓮辦落東陽因建金華之邑表
云

瑞日

朱子明道先生畫像贊
正中厥施斯普
廣宣早秋降誕日獻壽應制繞

殿祥風起當空
詩遺編往簡應飛去散入祥雲
徐黃李翰林
間

瑞月

張仲素聖明樂詩九陌
祥煙合千秋一一明

瑞星

晉書天文志一一一曰景星
如半月生于晦朔助月為明

瑞宿

謝靈運宋武帝誄廿
露芝草祥雲一一

瑞曜

唐無名氏黃雲捧日賦
呈彼一一曜于天門

瑞光

李子卿有興唐寺聖容一一賦
藩明府縣池嘉蓮詠青蘋白石
匝蓮塘水裏蓮開

帶一一

蘇軾和子由中秋見月詩
蘇軾和子由中秋見月詩

明月未出羣山高一一千丈生白毫

瑞晴

孟郊寒溪詩一一刷
日月高碧開星辰

瑞彩

楊發太陽合朔不虧賦圓規
杲耀發一一于跋烏
愛景沖融動和鳴于彩鳳
韓涯漫作泰谷純陽

八鸞霄

一一生

瑞霞

李商隱七月二十八日夜與王鄭二秀才聽雨後夢作初夢龍宮寶鏡然一一明麗滿晴天

瑞雲

洞冥記東海大明之墟有釜山出一一應王者之符節元稹春詩一一低唇唇香雨潤濛濛

瑞靄

王惲詩東城一一朝日鮮五王甲第臨天淵趙長卿詞金獸噴香一一芬夜涼如水酒初醺

瑞雨

南史虞寄傳大同中嘗驟雨殿前往往有雉色寶珠梁武觀之甚有喜色寄因上一一頌張九齡

和崔尚書喜雨詩照爛

陰霞止文紛一一來

瑞雪

張正見元圃觀春雪詩同雲遙映嶺一一近浮空盧照鄰登封大酺歌日觀仙雲隨鳳輦天門一一

一一照
龍衣

瑞露

許敬宗掖庭山賦鑿離暉于石鏡法——于雲掌
李程日五色賦泛草際而——相鮮動川上而

榮光

亂出張說奉和聖製千秋節

宴應

制詩珠囊含——金鏡抱仙輪

瑞液

崔融為皇太子賀甘露表薦河圖而升洛範日載
祥編過竹苑而憩芝臺宵零——武平一奉和

幸白

鹿觀應制詩元圃

靈芝

秀華池——濃

瑞霧

集異記閣凝——樓橫祥霓蘇軾孫
莘老寄墨詩金牋灑飛白——紫長虹

瑞風

表爽從駕遊山詩玉輿
明淑景珠旗轉——

瑞雷

唐書王求禮傳久視二年三月大風雪鳳閣侍郎
蘇味道等以為瑞率羣臣入賀求禮讓曰宰相燮

和陰陽而季春雨雪乃災也果

以為瑞則冬月雷渠為——耶

瑞電

三教論衡祥虹
流月——繞樞

瑞色

唐高宗太子納妃太平公主出降詩玉庭浮——
銀牒藻祥徽楊巨源元日含元殿下立仗丹鳳

樓門下

宣赦相公稱賀詩——含春當正殿香煙捧日
在高樓徐黃放榜日詩花浮酒影彤霞爛日照衫光

積雪詩

寒空標——爽氣襲皇州
鮮皎然晨登樂遊原望終南

瑞氣

晉書天文志——曰慶雲若煙非煙若雲非雲
郁郁紛紛蕭索輪囷是謂慶雲亦曰景雲此喜氣

也

梁簡文帝元圃園講頌序——于三辰泛祥煙
于五節唐無名氏垂衣治天下賦颯祥雲乎五彩蟠

散碧空

韓偓南安寓止詩天近函關——紫丹闕祥煙
于六章唐太宗重幸武功詩——

旬浸

晴霞水侵吳

瑞暉

陳後主日出東南隅行重輪工一一西北照南威

瑞景

孫遜天寶三載親祭九宮壇大赦天下制一一和風神心如答

瑞影

羅鄴曲江春望詩一一玉樓開組繡歡聲丹禁奏雲韶 溫庭筠病中書懷呈友人詩一一森瓊樹

輕冰瑩

玉壺

瑞年

李嶠遊禁苑陪幸臨渭亭遇雪應制詩六出迎仙藻千箱答一一

瑞節

左傳寡君願徵福于周公魯公以事君不腆先君之敝器使下臣致諸執事以為一一要結好命所

以藉寡君之命結二國之好是以敢致之 國語古者先王既有天下為車服旗章以旌之為摯幣一一以鎮

之 唐書禮樂志靈武百代應一一九真迎 江淹為建平王慶改號啓嘉生蠲慶風雲一一虞世基在南

接北使詩會玉二
峭至——三秦歸

瑞臘

劉宰送魏侍郎謫靖州詩六花
——春臺熙尤便逐客過往稀

瑞朔

王勃乾元殿頌序祥飛井絡震鱗題——
——之元祉絢新郊杼獸紀和年之序

瑞歷

荀子日月五星辰——
——是禹桀之所同也

瑞州

唐書地理志——注本威州貞觀十年以烏
突汗達干部落置在營州之境咸亨中更名

瑞府

暢瓘良玉比君子賦藏之——偶之河圖奉之者
生敬執之者不趨張說送宋休遠之蜀任詩懷

鉛書

——橫

草事邊塵

瑞闕

鄭愔同韋舍人早朝詩——
——龍居峻宸庭鳳掖深

瑞室

南史何胤傳胤初遷將築室忽見二人著元冠容貌甚偉問胤曰君欲居此耶乃指一處云此中殊

吉忽復不見胤依言而卜焉尋而山發洪水樹石皆倒拔唯胤所居室巋然獨存王元簡乃命記室參軍鍾嶸

作——頌刻

石以旌之

瑞坊

陳陶聖帝擊壤歌應象數宸極寰瀛作——

瑞塔

宋之問奉和九月九日登慈恩寺浮圖應制詩——千尋起仙輿九日來解琬奉和九月九日登

慈恩寺浮圖應制詩——臨初地金輿幸上方張錫奉和九月九日登慈恩寺浮圖應制詩仙遊光御路——

——迴
凌空

瑞物

北史李德林傳周武謂羣臣曰我常日唯聞李德林與齊朝作書檄我正謂其是天上人豈意今日

得其驅使復為我作文書神武公紇豆陵毅答曰臣聞
明主聖王得麒麟鳳凰為瑞是聖德所感非力能致之
一雖來不堪使用如李德林來受驅策亦是陛下聖
德感致有大才用勝于麒麟鳳凰遠矣 李白明堂賦
神休旁臻

一咸薦

瑞粟

宋史樂志朝會樂首奏和安次奏嘉禾成文滄
海澄清一呈祥三曲其樂專以太簇為呂

瑞煒

沈鯉嘉禾賦翕垓埏之
一穆元辰于孟陽

瑞穎

張說為留守奏嘉禾表臣籍慶宗枝久
沐星潢之潤躬持一一預奉天保之符

瑞麥

宋史樂志太宗太平興國九年嵐州獻祥麟雍熙
中蘓州貢白龜端拱初澶州河清廣州鳳凰集諸

州麥兩穗三穗者連歲來上有司請以此五瑞為祥麟
丹鳳河清白龜一一之曲薦于朝會用之 任瑗一一

欽定四庫全書

御定駢字類編

七

賦曰珍——生我皇圖 張聿餘——詩——生堯日
芄芄雨露偏 陸龜蒙風人詩一心如——長作兩岐

分

瑞薌 舊唐書明皇紀天寶三載三月武威郡上言番禾
縣天寶山有醴泉湧出嶺石化為——遠近貧乏

者取以給食改
番禾為天寶縣

瑞芝 蘇頌賀封禪表遂登日觀拜雲封泥——檢珍玉
杜甫橋陵詩三十韻因呈縣內諸官——產廟

柱好鳥
鳴巖扃

瑞芙 范成大詩已饒——明
朝滿先借清塘一夜圖

瑞草 宋史輿服志瑞拱中詔作——地毯路文方團勝
帶副以金魚賜中書樞密院文臣 盧綸奉和聖

製麟德殿宴百寮詩玉欄豐——金陸立神羊 方干
夜聽步虛詩——秋風起仙階夜月明 又蘇軾慶源
宣義王大以累舉得官為洪雅主簿雅州戶掾遇吏民
如家人人安樂之既謝事居眉之青神——橋放懷自
得有書來求紅帶既以遺之且作詩為戲請黃魯直學
士秦少游賢良為賦一首為老人光華歸來——橋邊
路獨遊還
佩平生壺

瑞藻

宋初教坊致語——躍魚嘉鑄京
之飲酒翠梧傾鳳應韶舞之縱金

瑞木

宋史樂志國朝合州進——成文馴象繇遠方自
至宋高宗盤松贊天錫——得自嶽岑枝蟠數

萬幹不倍尋

鮑照河清頌——朋生祥禽輩作 李

紳別連理樹詩垂陰敢慕甘棠葉附幹將呈——符

瑞竹

宋史五行志太平興國八年十月乙酉蜀州獻——
——一本十六節上分兩枝 虞集詩聞道故園生

欽定四庫全書

御定駢字類編

卷二百三十三

——令人歸興滿江干 又秦觀圓通禪師行狀潤守
王公琪雅聞師名乃具禮請傳法于甘露而太平之繁
昌亦以隱靜名師以甘露近城邑而隱靜僻在深
山中遂從太平繁昌之請開堂於郡之——院

瑞筍

述異記東海畔有孤竹之國獻——一株
管周武王時孤竹之國獻——一株

瑞藤

元稹春餘遣興詩笑倚
連枝花恭扶——杖

瑞松

名山記永福
縣有——塢

瑞橋

李德裕有
——賦

瑞茗

陸游詩奇香炷罷雲生
岫——分成乳泛盃

瑞芽

沈與求詩一旗但覺烹
殊品雙鳳何須覓——

瑞瓜

宋史儀衛志持鉞前隊有——旗二

瑞柳

唐書呂渭傳中書省有古柳建中末枯死德宗自梁還復榮茂人以爲——渭令貢士賦之陳詡

西掖

——賦聞——於春宮遂揄揚於天應

瑞花

劉孝綽答雲法師書——承足人觀雕輦之盛金輪啓路物觀重英之飾駱賓王詠雪詩龍雲玉

葉上鶴雪

——新

瑞葉

冷齋夜話何事月娥應不在亂飄——滿人間駱賓王賦得春雲處處生詩輒日祥光舉踈雲——

輕

瑞枝

虞世南琵琶賦西域神獸南山——

瑞蓮

皇甫湜吉州刺史廳壁記瑞露溶溶降味公松一

一猗猗合帶公池

郭正域

一賦序萬厯丙戌

禁中重臺

一盛開

黃涵江州夜宴獻陳

員外詩數枝紅蠟啼香淚兩面青城拆一一

瑞孕

郭正域瑞蓮賦紫
宮一一瓊沼花開

瑞香

清異錄廬山一一花始緣一比丘晝寢盤石上夢
中聞花香酷烈及覺求得之因名睡香四方奇之

謂為花中祥瑞遂名一一

三餘贅筆曾端伯以一一

為殊友張敏叔以一一為佳客

呂大防一一圖序一一

一芳草也其木高纔數尺生山坡間花如丁香而有黃紫二種

瑞腦

南渡宮禁典儀弁陽老人有詩云黃道官羅一一
香袞龍升降佩鐫鏘大安輦奏乾安曲萬點明星

簇紫

皇

瑞萼

李嶠為公主辭家人畜產官給料表天妹申
慈忝扶桑之一一王姬藉寵竊穠李之奇芬

瑞勝

林滋人日詩共向花前圖
一一試看池上動輕苔

瑞彤

庾信周祀圖丘歌
一成象壁氣含春

瑞質

徐黃龜詩青荷巢一一綠水返靈蹤
德裕感遇詩彩雲呈一一五色發人寰

瑞迹

蓮社高賢傳慧遠師聞天竺佛影是佛昔化毒龍
一一欣感於懷後因邪舍律士敘述光相乃背山

臨流營築

龕室淡采圖寫望如煙霧復製五銘

刻於石

許善心神雀頌節節奇音行一一

瑞蹟

表朗和洗掾登城南坂望京邑
詩神皋多一一列代有興王

瑞相

王褒京師突厥寺碑至于善見神通瓶沙一一波
斯鑄金優填雕木莫不歸依等覺迴向佛乘

述為宰相賀平原郡鑄尊容鑪上有
紫雲等瑞表呈祥一一表異金光

瑞像

蓮社高賢傳陶侃刺廣州漁人見海中有神光網
之得金像文殊因製文殊一一贊梁元帝與蕭

諮議等書

一一放光候將旬日亦作象張說奉和同

皇太子過慈恩寺應制詩朗朗神居峻軒軒一一威

瑞靈

鄭愔中宗降誕日長寧公主滿月侍
宴應制詩月滿增祥英天長發一一

瑞英

清異錄人家畜一簾赤紫色人在簾間自外望之
繞身有光蓋宮禁物也後歸于渾瑊家有貴臣識

之曰此

一簾耳

瑞玉

儀禮覲禮侯氏裨冕釋幣于禰乘墨
車載龍旂弧韞乃朝以一一有纁

瑞珪

張餘慶祀后土賦元酒或降以尚本一一不琢
而貴質唐蜡百神樂章綺幣霞舒一一虹起

瑞壁

陳書宣帝紀太建二年儀同黃法甌獻——
一徐夤雞詩我冠裝——利爪削黃金

瑞信

書上宗奉同瑁傳同爵名瑁所以冒
諸侯圭以齊——方四寸邪刻之

瑞金

蘇味道詠虹詩逸照
含良玉神光藻——

瑞石

北齊書神武帝紀天平四年六月壬申神武如天
池獲——隱起成文曰六王三川唐書太宗紀

貞觀十七年十一月己卯有事于南郊壬午賜酺三日
以涼州獲——赦涼州上官儀為朝臣賀涼州——

表形雲澹景標映龍顏
瑞火流光呈發鳥跡

瑞火

上官儀為朝臣賀
涼州瑞石表見上

瑞浪

駱賓王晚渡黃河詩照
日榮光淨驚風——翻

瑞燼

隋書禮儀志黃銀出于
神山碧玉生于

瑞鼎

李百藥詩仙露含
靈掌——照川媚

瑞鹽

唐書韓滉傳方是時潦敗河中鹽池滉奏池產
——帝疑遣諫議大夫蔣鎮廉狀鎮畏滉還乃賀帝

且請

置祠詔號寶應靈慶池異物彙苑唐武德七年

長安古城鹽渠水中生鹽紅白二色而味甘狀如方印

名——會要祥符三年九月辛巳賜

近臣及館閣解池——夏竦進——賦

瑞龍

錢起有過
——觀道士詩

瑞鳳

蘇瓌興慶池侍宴應制詩——飛來隨帝輦祥魚
出戲躍王舟呂巖七言詩九鼎黃芽棲——一

軀仙骨

養靈芝

瑞鸞

王勃九成宮頌序周朝——聲參叶
律之官陳寶鳴雞響襍司晨之序

瑞鷗

禽經鳳雄鳳雌亦曰——
亦曰鷗鷗羽族之君長也

瑞鳥

禽經鷗——一曰雞趣高無際并賦樓永康之
——呈魯國之羴羊宋之問奉和幸三會寺應

制詩

——呈書

字神龍吐浴泉

瑞鵲

李嶠上張明府書登雅譽於羣鳧照禎黻於——
獨孤及殿中監張公神道碑所蒞之邦必聞其

政作人父母為國循良于是——成巢嘉禾合穎

柳貫元日詩玉壺修幹雙龍捧寶座重裊——數

瑞雀

許善心神雀頌爰有——翱翔而下載行載
止當宸宁而徐前來集來儀乘軒墀而顧步

瑞禽

宋史燕懿王德昭傳德昭子惟吉五歲日讀書誦
詩帝嘗射飛鳶一發而中惟吉從旁雀躍喜甚帝

亦喜鑄黃金為奇獸——賜之程史艮嶽初建四方
所貢珍禽之在園者不能盡馴有市人薛翁請于童貫
願役其間許之一日徽祖幸是山聞清道聲望而羣翔
者數萬翁先以牙牌奏道左曰萬歲山——迎駕上大

喜

劉勰新論擊拊球石則
百獸舞樂終九成則——翔

瑞羽

表淑桐賦儀丹丘之——棲清都之仙宮
沈約梁鞞舞歌靈地及——分素復銜丹

瑞鶴

宋史五行志至和三年九月大饗明堂有鶴回翔
堂下明日又翔于上清宮是時所在言——宰臣

等表賀不可勝紀唐耳龍池樂章
思魚不入昆明釣——長如太液仙

瑞鵲

白居易和春深詩通犀排帶勝——
勘袍花曾鞏詩——宮袍腰玉繞

瑞鴈

蔣防白兔賦伴祥鳥于
苑園鄰——于池塘

瑞燕

江總元圃石室銘祥
黎吐秀一一流璽

瑞鳧

宋史樂志一一
至止祀事孔明

瑞獸

權德輿中書門下賀河陽白兔表惟此一一是稱
月精庚信周祀五帝歌一一霜耀祥禽雪映

瑞牛

李嶠有進
一一表

瑞馬

李嶠玉詩方水晴
虹媚常山一一新

瑞象

羅汝敬龍馬賦並駟虞
兮同列翊一一兮偕行

瑞鹿

梁昭明太子七契一一攜素祥熊耀黃
文帝謝勅賚長生米啓如隨一一若降神鳥
梁簡

瑞龜

周存有一一
遊宮沼賦

瑞趾

李威用寓意詩蒼蒼
杳無言麒麟迴一一

瑞文

宋史樂志詔和峴作一一馴象
玉鳥皓雀四瑞樂章以備登歌

瑞史

隋書許善心傳祥
圖一一赫赫明明

瑞譜

庾信齊王進赤雀表實
可圖形一一書頌儒林

瑞策

李義府在雋州遙敘封禪詩
一一開珍鳳正圖薦寶龜

瑞牒

宋史樂志素鳥爰止淳精允臧名符一一色應金
方梁簡文帝菩提樹頌現彼法身圖茲一一

齋宮

史近漢武帝齋宮產靈芝賦叶珍符於一一產靈芝於
蔣防白兔賦同一一而登高異周書而翫物

瑞檢

李嶠奉和拜洛應制詩七
萃鸞輿動千年一一開

瑞榜

李嶠太平公主山亭侍宴應制詩黃金——絳河隈白玉仙輿紫禁來

瑞案

唐書禮樂志天子肆觀中書侍郎以州鎮表方一按侯於西門外給事中——侯於東門外乃就

侍臣位刺史將入乃各引案分進東西陛下

瑞箴

孫朴有

瑞曲

宋史樂志元豐朝會樂第二爵笙入乃奏——惟吹笙而餘樂不作第三爵奏——堂上歌堂下笙

一歌一吹相間第四爵仍奏——而上下之樂交作

瑞字

玉海經非無——也以訓玉而不以訓祥虞書輯瑞周官典瑞注以瑞為符信而未始以為休祥同

穎之禾止以喜名大有之年止以喜書至太史公方以白魚赤烏為周之符瑞亦不過以符為信

瑞頌

文心雕龍肆禮壁堂講文虎觀孟堅珥筆於國史賈逵給札於一一

瑞錦

唐書王琳傳議者謂治廣未有如方慶者號第一下詔賜一一雜綵以著善政案琳字方慶杜甫

和嚴中丞

西城晚眺詩花

羅封蛺蝶

一一送麒麟

瑞綾

唐書地理志定州博陵郡土貢羅紬細綾一一兩窠綾獨窠綾二色綾熟線綾

瑞飾

吳均碎珠賦謝驪宮之一一粉靈蚌之神胎

瑞帶

白居易賜金紫詩魚佩葦鱗光照地鶻銜一一勢冲天

瑞鐘

南史陳宣帝紀太建七年四月壬子鄂州獻一一六十二月甲子南康郡獻一一一

瑞鈕

郭正一奉和太子納妃太平公主出降詩金龜開一一寶翟上仙桂

瑞音

上官儀高密長公主挽歌
湘渚韜靈跡娥臺靜——

瑞鞭

杜陽雜編貞元三年中常侍自蜀使回
進——一其文節高有麟鳳龜龍之形

瑞烟

杜審言蓬萊三殿侍宴奉勅詠終南山應制詩半
嶺通佳氣中峯繞——楊巨源奉酬竇郎中早

入省苦寒見寄詩旭日駕鷺行——芙蓉闕
春日早朝詩曉陌春寒朝騎來——深處見樓臺
張籍

瑞炭

開天遺事西涼國進炭百條各長尺餘其炭青色
堅硬如鐵名之曰——燒於爐中無燄而有光每

條可燒十日具熱氣

迫人而不可近也

瑞白

明一統志——堂在夔州府又馬熙載預賞元
宵曲宴近臣詩宣和初載元冬尾——纔消塵不

起

瑞妖

唐六典一一星氣有諸家禳占

瑞集

江淹為蕭太尉上銅鐘芝草衆瑞表寶鼎白雲一一軒世

瑞廣

江淹為建平王慶明帝疾和禮上表一一文齡祥深武日

備

備足

書五者來備疏五者於是來皆一一須風則風來須雨則雨來後漢書寇恂傳寇恂文武一一有

牧人御衆之才

備物

易一一致用立成器以為天下利莫大乎聖人左傳國君文足昭也武可畏也則有一一之饗以

象其德

唐襄德廟樂

章禮以一一樂以感神

備禮

詩魚麗小序美萬物盛多能一一也
傳辟處士長沙鄧祭為別駕一一盡恭祭感其好

賢乃起應命

蔡邕郭有道林宗碑州郡聞德虛已一

迎

莫之能致

王昌齡塞下曲朝廷一一出郡國豫郊

備樂

左傳晉郤至如楚聘且涖盟楚子享之子反相為
地室而縣焉郤至將登金奏作于下驚而走出于

反曰日云莫矣寡君須矣吾子其入也賓曰君不忘先
君之好施及下臣貺之以大禮重之以一一如天之福

兩君相見何以代此下臣不敢禮記干戚之舞非一
一也孰亨而祀非違禮也宋史樂志八音不具以為

語上作器民一一之則為和

備道

宋史寧宗紀法天
一一純德茂功

次已可車全書

御定駢字類編

備治

管子形勢器械具四者一矣
注四者立是廢非賞功誅罪也

備錫

魏志太祖紀注陛下乃發盛意開國一以貺愚
臣地比齊魯禮同藩王非臣無功所宜膺據鄭

餘慶祭杜太保文崇
秩屢增湛恩一一

備有

書日月星辰山龍華蟲作會宗彝藻火粉米黼黻
絺繡以五采彰施于五色作服汝明疏此十二章

為五服天子一一馬詩有熊有羆有貓有虎
箋韓之國土川澤寬大禽獸一一言饒富也

備舉

詩既備乃奏簫管一一禮記一一其道不私其
欲南史梁武帝紀論先王文武遞用德刑一一

馬融長笛賦簫管一一金石並隆
約梁三朝雅樂歌乃升乃降和樂一一

備善

漢書匈奴傳漢使欲辨論者中行說輒曰漢使毋
多言顧漢所輸匈奴繒絮米藥令其量中必善美

而已何呂言為乎且所給一一則已不一而苦惡則
候秋熟呂騎馳蹂迺稼穡也 典論夫人善於自見而

文非一體

鮮能一一

備具

易隨卦疏凡卦有四德者或有卦當時之義即有
四德如乾坤屯臨无妄此五卦之時即能四德一

一其隨卦以惡相隨則不可也 左傳瑕禽曰昔平王
東遷吾七姓從王牲用一一王賴之而賜之駢旌之盟

漢書宣帝紀樞

機周密品式一一

備盡

易田獲三狐疏狐是隱伏之物
三為成數舉三言之搜獲一一

備載

晉書裴秀傳今秘書既無古之地圖又無蕭何所
得惟有漢氏輿地及括地諸雜圖各不設分率又

不考正準望亦不一一名山大川
雖有麤形皆不精審不可依據

備賞

管子輕重五穀以調
用積餘藏羨以一一

備詳

竇泉述書賦宋虞龢表聞於明皇帝齊簡
穆書答於竟陵王表稱委盡書乃一一

備用

漢書食貨志錢布銅冶通行有無一民一也
荀子設規矩陳繩墨便一一君子不如工人

備事

忠經序或損之以簡其
文或益之以一一

備利

史記越王句踐世家句踐自會稽歸七年拊循其
士民士民欲用以報吳大夫逢同諫曰國新流亡

今乃復殷給繕飾一一
吳必懼懼則難必至

備當

禮記五者一
上帝其饗

備章

後漢書輿服志天子一一公自山以下侯伯自華
蟲以下子男自藻火以下卿大夫自粉米以下

備文 後漢書輿服志乘輿——日月星辰十二章三公諸侯用山龍九章九卿以下用華蟲七章皆備五采

備儀 令狐楚碑文禮以——誠以致美

備飾 宋書禮志周之祭冕纁采——

備彩 李程曰五色賦彰燭遠於皇明乃——於方色

備品 漢書王莽傳太官膳羞——其——矣

備典 金史樂志於樂衆望於皇——

備色 荀子目視——耳聽備聲口食備味形居備宮名受備號夫是之謂至盛

備聲

荀子見上

備味

漢書王莽傳太后下詔曰此皇帝加元服委政而授焉今誠未皇於輕靡而一一庶幾與百僚有成

其勛之哉

荀

子見備色下

備宮

荀子見備色下

備號

荀子見備色下

備美

詩爾酒既多爾肴既嘉傳言酒品齊多而肴一一

備陳

宋史樂志唐社稷用二十架至於開元亦循三代之遺法於壇之北宮架一一

備設

宋史樂志凡祭太社太稷宜倣周官及開元禮文於壇之北一一宮架何承天達性論庇物殖生

固不

備盈

李叔南風之薰賦觸類而煦然長育無朕而潛來一一

備覩

宋書律志序斟酌前史一一妍媸

備蹕

南史侯景傳既唱警蹕識者以為名景而言警蹕非久祥也景聞惡之改為一一人又曰備於此便

畢矣有司乃奏改云永蹕

備通

唐太宗大唐三歲聖教序法師一一釋典利物為心

備收

禮記季秋之月乃命冢宰農事一一舉五穀之要歲帝籍之收於神倉祇敬必飭

備享

杜甫橋陵詩三十韻因呈縣內諸官豈徒卹一一尚謂求無形

備聞

左傳諸侯——此言隋書高祖紀開皇三年十一月發使巡省風俗因下詔曰朕君臨區宇深思

治術欲使生人從化以德代刑求草萊之善旌閭里之行民間情偽咸欲——

備知

謝惠連雪賦固展轉而無窮嗟難得而——

備觀

唐無名氏大合樂賦魏文侯之卧聽已悟前非吳季子之——難施先覺

備覽

宋史藝文志何澹歷代——二卷陳模東宮——一卷

備悉

魏志陳思王傳詔報曰王授古喻義——矣何言精誠不足以感通哉隋煬帝加蘇威開府儀同

三司詔早居端

揆——國章

備閑

國語為之開籥簫籥而遠——之猶恐其至也又梁書武帝紀六藝——慕登逸品陰陽緯候卜

筮占決並
悉稱善

備嘗

左傳晉侯在外十九年矣而果得晉國險阻艱難
一之矣民之情偽盡知之矣 陶弘景授陸敬

游十賚文爾奉上惟勤接下
以惠稼穡艱難一勞苦

備歷

南部新書蜀東四川之人互相輕薄四川人言梓
州乃我東門草市柳仲郢為東川節度曰吾立朝

三十年清華一今日始得
為四川作市令聞者皆笑之

備履

徐陵陳公九錫文新
昌典徽一一艱難

備罹

宋漁文子年耄矣百艱一
一涉事既廣理能真知

備論

漢書溝洫志贊中國川原百數莫著於四瀆而
河為宗孔子曰多聞而志之知之次也國之利害

故——其事 杜預春秋左傳序其有疑錯則——而
闕之以俟後賢 夏侯湛東方朔畫像贊序此又奇怪

惶恍不可——者也

備至

顏氏家訓慈兄
鞠養苦辛——

備藏

國語雨畢而除道水涸而成梁草木節解而
——隕霜而冬裘具清風至而修城郭宮室

備體

晉書劉毅傳人才
異能——者寡

備器

國語財以——
——樂以殖財

備能

管子明法審數
立常——則治

備啓

徐陵廣州刺史歐陽頠德政碑僧
釋慧美等來朝絳闕——丹誠

備謹

史記秦始皇紀始皇夢與海神戰如人狀問占夢博士曰水神不可見以大魚蛟龍為候今上禱祠

除一而一而有此惡神當

備舍

國語百嘉一羣神頻行

備壘

國語陰陽分布震雷出滯土不一辟在司寇

備植

南史高昌國傳其地高燥築土為城架木為屋土覆其上寒暑與益州相似一九穀

備腴

左傳謂其畜之碩大蕃滋也謂其不疾癘蠱也謂其一咸有也宋史樂志奉牲以告一其均

備稷

張衡天象賦天庾積粟以示稔天庾一以祈敢

備位

漢書魏相傳臣相幸得一不能奉明法廣教化理四方呂宣聖德

備列

後漢書劉聖公傳宮女數千一一後庭王儉先郊後春啓元服之重百僚一一

備任

詩白華管兮白茅束兮箋喻王取于申申后禮儀一一妃后之事

備卿

國語辰也一一辰請如齊

備使

左傳芊尹蓋曰寡君使蓋一一

備職

史祥答隋太子廣書幸以先人緒餘一一宿衛

備宣

江淹為蕭太尉上便宜表聖誥遺風具騰丹冊賢言流沫一一青史

備僚

褚淵登歌一一肅列駐景開雲

備官

禮記天子以一一為節國語使僮子一一而未之聞邪

備員

史記平原君傳門下有毛遂者前自贊於平原君曰遂聞君將合從於楚約與食客門下二十人偕

不外索今少一人願君即以遂一行矣杜甫秋
日夔府詠懷奉寄鄭監李賓客詩幕府初交辟郎官幸

備耦

禮記君使士射注使士射謂以一一也

備佞

宋史溫仲舒傳丁壯一一老弱供賦

備問

後漢書樊準傳朝者進而思政罷者退而一一小大隨化雍雍可嘉

備讎

阮籍清思賦假淳氣之精微兮幸一一以自私

備畢

後漢書公孫瓚傳出軍屯槃河將以報紹乃上疏曰故上谷太守高焉故甘陵相姚貢紹以貪恠橫

責其錢錢不一二人并命紹罪八也按紹表紹也

備豫

禮記其一有如此者左傳季文子曰一一不虞古之善教也亦作預晉書安平獻王孚傳孚

以為擒敵致勝宜有

備禦

國語將民之與處而離之將災是一一而名之則何以經國梁書陸襄傳七年出為鄱陽內史先

是郡民鮮于琛服食修道法嘗入山採藥拾得五色幡旛又於地中得石璽竊怪之琛先與妻別室望琛所處常有異氣益以為神大同元年遂結其門徒殺廣晉令王筠號土願元年署置官屬其黨轉相誑惑有衆萬餘人將出攻郡襄先已帥民吏修城隍為

一及賊至連戰破之生獲琛餘衆逃散

備警

吳志孫韶傳權聞亂從椒丘還過定丹陽引軍歸吳夜至京城下營試攻驚之兵皆棄城傳檄一一

謹聲動地頗射外人權使曉諭乃止明日見韶甚器之

備多

漢書高帝紀韓生說漢王曰漢與楚相距滎陽數歲漢常困願君王出武關項王必引兵南走王深

壁令滎陽成皋間且得休息使韓信等得輯河北趙地連燕齊君王乃復走滎陽如此則楚所一者一力分漢得休息復與之戰破之必矣孫子吾所與戰之地不可知不可知則敵所一者一敵所一者一則我所與戰者寡矣

備存

管子以備攻備一不攻

備防

南史陳宣帝紀七年春三月辛未詔豫二兗譙徐合霍南司定九州及南豫江郢所部在江北諸郡

置雲旗義士往大軍及諸鎮一一

欽定四庫全書

御定駢字類編

十三

備守

戰國策號令已定——已具三國之兵乘晉陽城遂戰三月不能拔

備衝

墨子有——篇

備武

王粲俞兒舞歌休安不忘——樂修

備師

國語民未知禮曷大蒐——尚禮以示之

備邊

後漢書馬成傳建武十四年屯常山中山以——北蘇轍會議狀朝廷養民——雖有內外之別

而其實一家之事耳

備衛

晉書王濬傳王渾詣濬濬嚴設——然後見之其相猜防如此

備趙

史記蘇秦傳且異曰濟西不師所以——也河北不師所以備燕也

備燕

史記蘇秦傳見上

備鄭

韓非子鄭欲伐胡先以女妻之胡以鄭為親已遂不

備越

淮南子秦皇發適戌以而不知難之從中發也

備魏

南史梁武帝紀豫州刺史崔慧景既齊武舊臣不自安齊明憂之乃起帝鎮壽陽外聲實防慧

景

備急

宋史藝文志王適風雲氣象一一占一卷

備變

唐書段秀實傳馬璘有疾請秀實攝節度副使秀實按甲一一

備法

晉書何曾傳母丘儉誅子甸妻荀應坐死其族兄顗族父虞表句其命詔聽離婚荀所生女芝亦坐

死以懷妊繫獄荀詣曾乞恩曰芝繫在廷尉顧影知命
計日一一乞沒為官婢以贖芝命曾騰辭上議朝廷遂
法改

備救

左傳晉楚盟于宋西門之外曰無相
加戎好惡同之同恤菑危一一凶患

備難

說苑智伯還自衛三卿燕于藍臺智襄子戲韓康
子而侮段規智果聞之諫曰主弗一一難必至

備艱

陶弘景尋山誌既沿幽
以達峻實窮阻而一一

備盜

宋史高繼宣傳乾興初繼宣以內殿崇班為益州
都監蜀人富侈元夕大張燈知府薛奎戒以一一

繼宣籍惡少年飲鴆之使
夜潛誌盜背明日皆獲

備水

易林方船一
一傍河然火

備溺

論衡——不關水源防劫不求臣姦

備竭

唐書張巡傳賊攻城士病不能戰巡向西拜曰孤城——弗能全臣生不報陛下死為鬼以癘賊

備蝕

宋書禮志自漢故事以為日蝕必當於交每至其時申警百官以備日變故甲寅詔有——之制無

考員

之法

備黷

江淹為蕭驃騎讓太尉增封第三表具煩寸管——尺史

備降

離騷百神紛其——今九疑續其並迎

備馬

宋史吳昌裔傳治兵足食之方修車——之事乃缺略不講

備鵠

趙良器冠賦——所以貴清貴勇加蟬所以貴清

備擬

舊唐書王暉傳多
屯士卒廣為一一

備遠

嵇康答難養生論一
一如近慎微如著

備及

杜甫朝獻太清宮賦茲火
土之相生非符讖之一一

備戒

禮記賓牟賈侍坐於孔子孔子與之言及樂曰
夫武之一一之已久何也對曰病不得其衆也

備闕

五代史晉家人傳論其宗室次序本末不能究見
其可見者曰高祖二叔父一兄六弟七十二孫而

有略有詳非惟禍亂多故而失其實抑亦
無足稱焉者然粗存其見者以一一其一一云

備徵

王潭雙漢泉賦異物之
與詭怪孰可得而一一

備錄

宋史樂志後周
登歌一一鐘磬

備寫

後漢書西域傳論莫不
一情形審求根實

備置

班彪略論東宮及
諸王國一官屬

備寒

司馬光進五規狀昔聖人之教
民也方暑則一方寒則備暑

備暑

司馬光進五
規狀見上

備之

左傳士季曰一一善穀梁
傳為見天子之禁故一一也

備哉

班固典引一一祭
爛真聖明之式

備矣

禮記禮樂刑政四達
而不悖則王道一一

好

好爵

易中孚九二鳴鶴在陰其子和之我有一吾與爾靡之疏靡散也我有一我願與爾賢者分散

而共之

孔稚珪北山移文雖假客於江皋乃纓情於

陸雲贈汲郡太守詩我有一既成爾服入贊

崇華遂登帷幄石介詩

趨衆得一官謂身靡一

好官

宋書羊元保傳太祖嘗曰人仕宦非唯須才然亦須運命每有一缺我未嘗不先憶羊元保宋

史曹彬傳初彬之總師也太祖謂曰俟克李煜當以卿

為使相副帥潘美預以為賀彬曰不然夫是行也仗天

威遵廟謨乃能成事吾何功哉況使相極品乎美曰何

謂也彬曰太原未平耳及還獻俘上謂曰本授卿使相

然劉繼元未下姑少待之既聞此語美竊視彬微笑上

覺遽詰所以美不敢隱遂以實對上亦大笑乃賜彬錢

二十萬退曰人生何必使相一亦不過多得錢耳

張籍送汀州源使君詩曾成趙北歸朝計因拜王門最

好命

左傳見
瑞節下

好壽

劉因雜詩地寒人
草淺畜宜羊

好事

五代史唐明宗紀數問宰相馮道等民間疾苦聞
道等言穀帛賤民無疾疫則欣然曰吾何以堪之

當與公等作

一一以報上天

錄異記嘉陵江側有婦

人年五十以來自稱十八姨往往來民家不飲不食每

教諭於人

但作一

一莫違負神理

好業

管子其事親也妻子具則孝衰矣其事君也有
一一家室富足則行衰矣爵祿滿則忠衰矣

好日

岑參鳳翔府行軍送程使君赴成
州詩程侯新出守一一發行軍

好月

李白尋高鳳石門山中元丹丘詩高松上——空
谷宜清秋劉長卿詩家貧惟——空愧子猷過

雍

陶題大安池亭詩好風——無人宿夜夜水禽船

上樓

楊萬里詩苦遭——喚登樓脚力雖慵不自由

好春

楊萬里除夜宿石塔寺詩幸無爆竹驚寒夢休羨
椒花頌——王惲清明後一日雨中招林韓李

三君子

小酌且為梨花洗妝詩風簷數點催妝雨辦與

梨花作——

柳貫答吳立夫見寄之作接席連芳畫

看花惜

好秋

戴復古寄復齋陳寺丞詩夜浮星子邀明月雨對
盧君說——陸游詩玉粒嘗新稻金風送——

好雲

羅隱縣谷迴寄蔡氏昆仲詩芳草
有情皆礙馬——無處不遮樓

好雨

杜甫春夜喜雨詩——知時節當春乃發生
璣詩昨夜新雷催——疏畦麥隴最先青
王惲徐

過河溝店詩清風破暑連
三日好雨依時抵萬金

好景

蘇軾贈劉景文詩一年——君須記正是橙黃橘
綠時劉秉忠寄友人詩——與時渾易過可人

和月只

難圓

好陰

元稹桐花詩臘月上山館紫桐垂——
白居易晚涼詩新葉多——初筠有佳色

好風

陶潛讀山海經詩微雨從東來——與之俱
商隱留贈畏之詩滿湘浪上有烟景安得——吹

汝來

曹唐王遠宴麻姑蔡經宅詩

——吹

樹杏花香花下真人道姓王

好山

張詠晚泊長臺驛詩自戀明時休未得——非是
不相容戴復古杜仲高相遇約李尉詩苦恨——

——移

不得生憎

俗客

去還來

好峯

朱子懷潭溪舊居詩憶住潭溪四十年——無數
列憲前梅堯臣魯山山行詩——隨處改幽徑

獨行迷

張詠舟次辰陽詩雖指

公餘便東下——猶得捲簾看

好石

柳宗元與李翰林建書時到幽
樹——暫得一笑已復不樂

好水

趙師秀官田之集翁聘君失期陳伯壽賦詩率爾
次韻——不厭闊好風不厭涼虞集詩盤盤迴

復一萬里無限

好山與——

好溪

唐書地理志處州縣麗水注縣東十里有惡溪多
水怪宣宗時刺史段成式有善政水怪潛去民謂

之——

好園

張說同王僕射山亭餞岑廣武義得
言字詩琴爵留佳境山池借——

好處

韓愈早春呈水部張十八員外詩最是一年春
一絕勝花柳滿皇都
鄭谷舟行詩村逢一一嫌

風便酒到醒來覺夜寒
皮日休明
月灣詩好境無處住一一無境刪

好境

皮日休明月
灣詩見上

好在

杜甫送蔡希魯都尉還隴右因寄高三
十五書記詩因君問消息一一阮元瑜

好寺

羅隱大梁見喬誦詩
一松為徑空江桂作橈

好時

史記封禪書雍旁故有陽武時雍東有一一皆廢
無祠或曰自古以雍州積高神明之隩故立時郊

上帝

諸神祠皆聚云
漢書地理志右扶風縣一一

後漢書耿弇傳建武二年更封一一侯食一一美陽二

縣

唐書高祖紀武德四年閏月幸舊野獵

於一一潘岳關中詩虎視耽耽威彼一一

好種

杜預論水利疏東南以水田為業人無牛犢今既壤陂可分種牛二萬五千頭以付二州將吏士庶

使及春耕其所留

一萬頭

即令

右典牧都尉官屬養之

好樹

韓愈秋懷詩窗前兩一眾葉光蕤蕤杜牧睦州詩一一鳴幽鳥晴樓入野烟溫庭筠會昌丙

寅豐

歲歌門前

一一青羊茸

好枝

王建烏夜啼樂府風飄雨濕亦不移君家樹頭多一一

好花

張泌春日旅泊桂州詩弱柳未勝寒食雨一一爭奈夕陽天邵雍詩美酒飲教微醉後一一看到

半開時

蘇轍戲答李朝散詩下

客不辭

投轄飲一一猶恐隔簾看

好竹

晉書王徽之傳時吳中一士大夫家有一一欲觀之便出坐輿造竹下諷嘯良久主人灑埽請坐徽

之不顧將出主人乃閉門徽之便以此賞之盡譴而去

王建

薛二十池亭詩異花多是非時有——皆當要

處生

韓琦再題狎鷗亭詩簷前——今成篠波下修

鱗舊種針

蘇軾詩長江遼郭知魚美——連山覺筍

香

戴復古山中見梅詩踏破

溪邊一徑苔好山——少人來

好茗

桐君錄西陽晉陵武昌皆出——

好茶

蘇轍詩性似——常自養交如淡水久彌親

好桃

世說桓靈寶素輕桓崖崖在京下有——靈寶連就求之遂不得佳者靈寶與殷仲文書以為嗤笑

曰德之休明肅慎貢其楷矢如

其不爾籬壁間物亦不可得也

好李

世說王戎有——賣之恐人得其種恒鑽其核

欽定四庫全書

御定駢字類編

卷二百三十三

三

好杏

盧毓冀州論魏郡
地產不為珍

好栗

何晏九州論
中山

好箚

鮑照蒜山被始興王命作
高簿符藻駕及時遊

好人

詩要之
傳一好女手之人服之

好士

魏志陳思王植傳注太祖辟儀為掾
到與議論嘉其才朗曰丁掾一也

好述

詩窈窕淑女君子一傳言后妃有關雎之德是
幽閑貞專之善女宜為君子之好匹
元稹有鳥

詩飛飛漸上高高閣
百鳥不猜稱一一

好匹

詩傳
見上

好仇

詩起武夫公侯——愛怨耦曰仇此免置之人敵國有來侵伐者可使和好之疏毛以為起起然

有威武

之夫有文有武能匹耦于公侯之志為公侯之

好匹

曹植七啓望雲際兮有——天路長兮往無由

又節

遊賦沈浮蟻於金罍行觴爵於——嵇康琴賦

凌扶搖

兮憇瀛洲要列子兮為——謝朓七夕賦

嗟斯靈

之淑景招——於服箱梁武帝答任殿

中宗

記室王中書別詩緩容承別酒鳴琴和——

好友

詩雖無——式燕且喜

好朋

離騷經世並舉而——

好客

王維裴迪秀才小亭作——多垂月應門莫上關虞集送呂教授還臨川詩黃金作臺留——好

客不留

秋月白

欽定四庫全書

御定駢字類編

卷二百三十三

三十

好兒

杜甫偶題詩驂驥皆良馬麒麟帶——

好女

史記西門豹傳其人家有——者恐大巫祝為伯取之以故多持女遠逃亡城中益空無人漢書

外戚傳上思念李夫人不已方士齊人少翁言能致其神廼夜張燈燭設帷帳陳酒肉而令上居他帳遙望見

——如李夫人之貌古陌上桑

樂府秦氏有——自名為羅敷

好婦

搜神記楊公伯雍汲水作義漿於坂頭行者皆飲之三年有一人就飲以一斗石子與之使種之云

玉當生其中汝後當得——乃種其石有徐氏者右北平著姓女甚有行時人求多不許公乃試求徐氏因戲云得白璧一隻來當聽為婚公至所種玉田中得白璧五雙以聘徐氏遂以女妻公古隴西行——出迎客

敷愉
顏色正

好姮

楚辭九章——佳麗
兮畔獨處此異域

好婢

北齊書外戚傳尔朱文暢弟文略平秦王
有七百里馬文略敵以——賭而取之

好漢

舊唐書狄仁傑傳初則天嘗問仁傑曰朕要一
——任使有乎仁傑曰荊州長史張柬之其人雖老

真宰

相才也 蘇軾詩人間——誰似張長史

陸游詩似我猶為一——問君曾見幾間人

好僧

薛能相國隴西公征南能以留務獨宿府
城作殊憶——招不及夜來倉卒鏢嚴城

好將

魏志徐晃傳初清河朱靈為表紹將太祖之征陶
謙紹使靈督三營助太祖戰有功遂留不去後遂

為——名

亞晃等

好貌

吳均主人池前鶴詩推藏多——清唳有奇音
閭朝隱鸚鵡貓兒篇彼何為兮窘窘蠢蠢此何為

欽定四庫全書

御定駢字類編

卷二百三十三

三十三

好音

好相

晉書羊祜傳祜嘗游汶水之濱遇父老謂之曰孺子有——年未六十必建大功於天下既而去莫

知所

好面

梁簡文帝答新渝侯和詩書影裡細腰令與真類鏡中——還將畫等

好目

方言——謂之順驢腫之子謂之睪宋衛韓鄭之間曰鑠燕代朝鮮洌水之間曰盱或謂之揚

好鬚

唐書房玄齡傳帝在翠微宮以司農卿李緯為民部尚書會有自京師來者帝曰玄齡聞緯為尚書

謂何曰唯稱緯——無他語帝遽改太子詹事

好髮

吳志薛綜傳珠崖之廢起於長吏覩其——髮取為髮

好美

史記陳丞相世家張負謂其子仲曰吾欲以女孫與陳平張仲曰平貧不事事一縣中盡笑其所為

獨奈何

與女乎負曰人固有——

如陳平

而長貧賤者乎卒與女

好色

禮記如惡惡臭如好——孟子——人之所欲梅堯臣和楚武田同曾子固陸子履觀予堂前

石榴花詩

俗女紅裙無——

——

主人白髮自侵頭

好夢

張建詩月影曉窗留——雨聲深夜鎖清愁宇文虛中詩滅燈驚——孤枕念深情

好會

史記廉頗藺相如傳秦王使使者告趙王欲與王為——于西河外澠池應貞詩貽宴——不常

數厥

好合

詩妻子——如鼓瑟琴後漢書皇后紀序孝章以下漸用色授恩隆——遂忘淄蠹陸機贈馮

文熊遷斥丘令詩疇
昔之遊——纏綿

好音

詩誰將西歸懷之——

又翩彼飛鴉集于泮林
食我桑黹懷我——又睨睨黃鳥載——其——

歐陽修送徐無黨南歸序子竊悲其人文章麗矣言語
工矣無異草木榮華之飄風鳥獸——之過耳也杜
甫寄楊五桂州譚詩聞此寬相憶為邦復——又蜀
相詩映堦碧草自春色隔葉黃鸝空——王惲開平
晚歸詩料應曉月簾櫳

底乾

鵲飛來報——

好聲

陶潛停雲詩歛翮間止——相和楊巨源觀
打毬詩入門百拜瞻雄勢動地三軍唱——

好興

年融春遊詩笑拂吟鞭邀
醉歌烏帽逞雄談

好懷

陶潛飲酒詩清晨聞叩門倒裳往自開問子為誰
歟田父有——范成大詩酒冷花寒無——

好意

蘇軾送張嘉州詩歸來還受一大錢——莫違黃髮叟

好願

蔡松年詞華年共有一——何時定妝鬟暮雨零亂

好言

詩——自口
莠言自口

好語

白居易詩素書傳——絳帳赴佳期
蘇軾歸宜興留題竹西寺詩山寺歸來聞——野花啼鳥亦

欣然

好書

史記范雎傳秦昭王聞魏齊在平原君所欲為范雎必報其仇乃詳為——遺平原君

好寫

漢書河間獻王德傳德脩學好古從民得善書必為——與之留其真加金帛賜召招之

好字

螢雪叢說嘗觀進士同年錄江南人習尚機巧故其小名多是——足見自高之心江北人大體任

真故其小名多非佳字足見自貶之意 耶律楚材遊河中西園和王君玉韻詩——好詩獨我得不來廬和為擬胡

好詩

耶律楚材詩見上

好句

六一詩話詩人貪求——而理有不通亦語病也 陸游詩——尚來歌枕處壯心時在倚樓中

好韻

全唐詩話酉陽雜俎云予在城時常與客聯句共押平聲——不僻者出於竹簡謂之韻牒

好歌

詩作此——以極反側 王安石贈俞紫芝詩暮年要與君攜手處處相煩作——

好頌

朱德潤詩城中書生無學俸但得錢多作——

好金

英雄記朝廷以呂布為平東將軍魏太祖手書與布曰國家無——孤自取家——更相為作印

好珠

南州異物志合浦民善游採珠兒年十餘歲便教入水官禁民採珠巧盜蹲水底剖蚌得——吞之

出而

好壁

珊瑚詩話予暇日與同僚遊甘露寺偶題近作小詞於壁間其僧頑俗愀然謂同官曰方泥一堵——

一可惜
寫了

好窠

鄭谷錦詩禮部郎官人所重省中別占——名

好繒

後漢書王符傳或刻畫——以書祝辭或虛飾巧言希致福祚

好氈

南史渴盤陀國傳渴盤陀國多牛馬駱駝羊等出——

好冠

殺梁傳黃池之會吳子欲因魯之禮因晉之權而請冠端而襲吳王夫差曰——來孔子曰大矣哉

夫差未能言冠而欲冠也

好衣

漢書貢禹傳商賈求利東西南北各用智巧一美食歲有十二之利而不出租稅

好綿

釋鑑陀耶舍至姑臧聞鳩摩羅什受秦宮女歎曰什如一可使入入荆棘乎

好布

史記循吏傳公儀休見其家織一而疾出其家婦燔其機云欲令農士工女安所讐其賃乎

好麻

華陽國志江源縣出一一黃潤細布

好裘

南史中天竺國傳出金縷織成金罽細靡白疊一一羯磬

好馬

南史曹武傳武頗有知人鑑梁武在襄陽武謂曰卿必大貴每密送錢物并一一

好鞍

李白少年行一一好馬乞與人十千五千旋沽酒

好船

創業起居注帝將渡渭津以見船朽破於灤水流數十里更取——苦於水淺其夜三更水暴漲數

尺逆流而上

衆咸駭異

好香

李中柴司徒牡丹詩翠幄密籠鶯未識——難掩蝶先知

好薰

法苑珠林名香——遍布遠近

好氣

梁簡文帝謝勅賚錢并白檀香充法會啓黃紙詔書先開泉府青雲——次集桂宮 又傷美人詩

薰爐含——

庭樹吐花滋

好食

宋書朱脩之傳性儉刻少恩情姊在鄉里饑寒不立脩之未嘗供膳嘗往視姊姊欲激之為設菜羹

麤飢脩之曰此乃貧

家——致飽而去

好喫

獨醒雜志范文正公云常調官好做家常飯——真名言也

好味

陶潛止酒詩——止園葵大懼止雅子周昂詩——仍餘盡日茶

好米

魏文帝與朝臣論秬秠書江表惟長沙名有——何得比新城秬秠耶上風吹之五里聞香

好穗

齊民要術粟黍稷常歲歲別選——絕色者則刈高懸之至春治取別種以擬明年種子

好酒

鮑照樂府——多芳氣銷味厭時新

好羞

周禮庖人共祭祀之——疏——是非常之物

好物

北史裴矩傳矩以始畢可汗部衆漸盛獻策分其勢因遣人告胡悉曰天子大出珍物今在馬邑欲

共藩內多作交關若前來者即得——胡悉信之不告始畢率其部落盡驅六畜爭進矩伏兵馬邑誘而斬之

居易詩貧薄詩家無——反投桃李報瓊
又世間——不堅牢彩雲易散琉璃脆

好鳥

吳均與朱元思書泉水激石泠泠作響——相鳴
嚶嚶成韻曹植公讌詩潛魚躍清波——鳴高

枝

謝朓送江兵曹檀主簿朱孝廉還上國詩香風蕊

上發

——葉間鳴杜甫奉陪鄭駙馬韋曲詩美花多

映竹

——不歸山李商隱裴明府居止詩坐來聞——

歸

去度疎鐘唐庚醉眠詩餘花猶可醉——不妨

眠

朱子行視武夷精舍作

——

時一鳴王孫遠相喚

好翠

洛陽伽藍記姜質亭山賦曰羽徒紛泊色雜蒼黃
綠頭紫頰——連芳白鷗生于異縣丹足出于他

鄉

好去

戎昱移家別湖上亭詩——春
風湖上亭柳條藤蔓繫離情

好留

庚信答移市教欲令吹簫舞鶴還反舊鄺賣卜屠羊請辭新闢而文貿之黨——幽岐之衆難遣

好住

戎昱送李參軍詩——好住王司戶珍重珍重李參軍范成大留別田父詩翁今——莫相思

好惡

鹽鐵論性有剛柔形有——聖人能因而不改顏氏家訓物體自有精麤精麤謂之——元稹

詩但感事睽違

非言官——

好醜

後漢書張酺傳出為東郡太守意不自得上疏辭曰冀蒙留恩託備冗官羣僚所不安耳目所聞見

不敢避——

劉勰新論今人目若驪珠心如權衡評

人——

雖言得其實彼必嫌怨及其自照明鏡醜狀既

露則內慙而不怨以鏡無情而人有心也

法書要錄

心有疏密手有巧拙書之——在心與手可強為哉

陳陶草木言甘辛各

有榮——不相妨

好方

史記封禪書少君資一一善為巧發奇中嘗從武安侯飲坐中有九十餘老人少君乃言與其大父

游射處老人為兒時從其

大父識其處一坐盡驚

好喝

五燈會元慈明上堂方會禪師出問幽鳥語喃喃辭雲入亂峰時如何明曰我行荒草裏汝又入深

邨師曰官不容針更借一問明便喝師曰

一一明又喝師亦喝明連喝兩喝師禮拜

好比

楚詞容態一一順彌代些注言美女衆多其貌齊同姿態好美自相親比承順上意久則相代

好洽

顏延之陶徵士誄伊一一之一接閭鄰舍宵盤畫憇非舟非駕

好開

杜甫秋盡詩不辭萬里長為客懷抱何時得一一

好彩

李白送外甥鄭灌從軍詩六博爭雄一一來金盤一擲萬人開劉績放歌行也知六博無高手時

至君看

一一來

欣忻同

欣喜

禮記論倫無患樂之情也一一歡愛樂之官也
國語至於武王昭前之光明而加之以慈繇事神

保民莫不一一又雖四鄰諸侯之聞之也
其誰不敬懼於君之威而一一於君之德

欣說

禮記慶賜遂
行無不一一

欣慶

晉書段灼傳忠臣之於其君猶孝子之於其親進
則有然之一非貪官也退則有戚然之憂非懷

祿也

曹植慶受禪上禮表普天率土

莫不承風一一執贄奔走奉賀闕下

欣榮

王維就林亭宴集序一一相合展當美景形制
所選地從主人王融法樂辭秋葉少一一

欣歡

易林為季求婦家在東
海水長無船不見一一

欣樂

潘岳藉田賦情一一于
昏作兮慮盡力乎樹藝

欣懌

劉基甘露頌序于是羣臣莫不
一一百姓莫不蹈舞舉手相慶

欣豫

曹植請赴元正表一一百
官之美想見朝覲之禮

欣昌

黃庭內景經心
意常和致一一

欣嘉

陸雲詩嗟我欽羨夢想光
華亦既至止上下一一

欣戴

國語商王受辛大惡于民庶民弗忍一一武王以
致戎于商牧 劉琨勸進元帝表茂勲格于皇天

清暉

光于四海蒼
生颺然莫不一一

欣多

陶弘景與武帝啓近初見卷題云第二十三四已

欣躍

李嶠賀瑞筭表凡在見聞孰不一一常表上謝

載啟

瞻望清風若在天

外無任感激一一之至

欣企

呂溫與徐尚書書某奉職乏分

欣顏

張說贈趙侍御詩綠壤

欣德

陶潛答龐參軍詩伊

欣日

謝靈運文壑首冠弁穿胸

欣時

陸雲征西大將軍京陵王公會射堂皇

太子見命作此詩凱風徘徊萬物一一

欣勗

任昉贈王僧孺詩劉略班藝虞志荀錄伊昔有懷交相

欣然

史記孝武紀天子既已封禪泰山既無風雨蓄而方士更言蓬萊諸神山若將可得於是上

幾遇之

蜀志譙周傳周耽古篤學家貧未嘗問產業誦讀典籍

一敗亦可喜

欣懷

劉基一亭詩一亭子湖山上山色湖光八面開

欣賞

陶潛移居詩鄰曲時時來抗言談在昔奇文共一疑義相與析

欣娛

易林探巢得雛鵲俱來使我

欣仰

魏書崔僧淵傳蕭惠景遺僧淵書僧淵復書曰河洛之間重隆周道卷歌邑頌朝熙門穆濟濟之盛

非可備陳矣加以累葉重光地兼四岳士
馬強富人神——道德仁義民不能名

欣服

後漢書竇融傳融與隗囂書曰將軍守節不回承
事本朝後遣伯春委身于國無疑之誠於斯有効

融等所以——高義願從
役於將軍者良為此也

欣洽

蔡邕劉鎮南碑於是臣故——咸以為申伯
韓侯之翼周室受路車乘馬元裘赤舄之賜

欣暢

北史李元護傳元護為齊州刺史經拜
舊墓巡省故宅饗賜邨老莫不——

欣願

顏延之秋胡詩嘉運既我從——自此畢
應物贈李判官詩雖暫且——日夕覩光輝
章

欣承

李白魯東門觀刈蒲詩織
作玉牀席——清夜娛

欣奉

國語庶幾曰諸侯義而撫之
百姓——而——之國可以固

欣讚

齊書扶南國傳雖殊俗異化遙深——

欣色

世說王右軍得人以蘭亭集序方金谷詩序又以已敵石崇甚有——

欣玩

南史明僧紹傳僧紹弟慶符為青州僧紹乏糧食隨慶符之鬱洲住弇榆山栖雲精舍——水石竟

不一入

州城

欣愉

李華無疆頌父堯子舜歸于國都無不——無不涕濡

欣意

王羲之華直帖永嘉至奉集——無喻

欣感

韓愈賀太陽不虧狀臣官泰京尹親覩殊祥——之誠實倍常品

欣厭

謝靈運曇隆法師誄——迭來終歸憂苦不杜其根于何超絕

欽定四庫全書

欽定四庫全書

卷二百三十三

罕

欣恒

謝靈運維摩經十譬贊君子識根本安
事勞與奪愚俗駭變化橫復生——

欣悚

韓愈與孟尚書書得吾兄二
十四日手書數番——兼至

欣戚

胡長孺詩人間萬
得喪——隨所制

欣懼

洞冥記枉蒙上真賜降腐
穢——交心無以自厝

忻州

唐書地理志——定襄郡本新興
郡義寧元年以樓煩郡之秀容置

忻城

唐書地理志——
——郡縣——

忻道

唐書地理志容州普寧郡縣——本寧
人隸藤州貞觀二十三年更名來屬

欣假

爾雅絕有力——疏凡牛
絕有力壯大者名——

欣嘗

蘇軾詩泥深厭聽鷄頭
鵲酒淺——牛尾狸

欣睹

淨住子五色是人所——而棄之不顧八音是人
所競聞而絕之不聽 隋煬帝月夜觀星詩——

明堂亮喜

見泰階平

欣矚

陶潛時運詩洋洋平津乃漱乃濯邈邈遐景載——
載——王融和南海王殿下詠秋胡妻詩彼美復

來儀慙顏變——

隋煬帝望

海詩碧海雖——

金臺空有聞

欣遇

王羲之蘭亭集序當其——于所——暫得于已快然
自足 王昌齡山行入涇州詩豈伊戀懷土解物

且——

1

忻滿

北史宇文忠之傳忠之好榮利遇尚書省選右丞
預選者皆射策忠之試焉既獲丞職大為——志

欽定四庫全書

御定詩字類編

卷二百三十三

罕三

氣翼然有驕物
之色識者笑之

欣狎

全唐詩話雍陶為簡州牧有馮道明下第請謁云與員外故舊及引進陶詢曰與公昧平生何云相

識道明云誦員外之詩仰員外之德詩集中日得相見何隔平生也遂吟曰立當青草人先見行傍白蓮魚未知又曰江聲秋入寺雨氣夜侵樓又曰閉門客到常疑病滿院花開不似貧陶聞吟一待道明如曩昔之友

欣悟

十六國春秋宗塗疊疊超絕常境一一之至味增深遠

欣想

晉書阮种傳播醇美之化杜邪枉之路斯誠羣黎之所一一盛德而幸望休風也

欣之

國語昔者之伐也起百姓以為百姓也是以民能一一

快

快樂

易林富饒豐
行——無已

快適

楊慎游點蒼山記沿溪而西過獨木橋升寶華寺
其地多花卉預煮酒於叢薄中引滿盡醉夜卧草

菴殊覺——

蘇舜欽金山寺

詩氣象特清壯所覽輒——

快活

蘇軾五禽言豐年無象何處尋聽取林間——吟
自注此鳥聲云麥飯熟即——朱子石廩峯詩

家家有廩高如許

大好人間——年

快性

何遜答高博士詩為宴
得——安閑聊鼓腹

快心

孟子然後——於——與
譽人不增其義則聞者不——於——劉勰新論

快意

史記李斯傳今棄擊甕叩甑而就鄭衛退彈箏而
取韶虞若是者何也——當前適觀而已矣又

樂布傳窮困不能辱身下志非人也富貴不能一非賢也曹植與吳質書過屠門而大嚼雖不得肉貴且

一

快志

史記莊周傳楚威王聞莊周賢使使厚幣迎之許以為相周謂楚使者曰子亟去無污我我寧游戲

污瀆之中自快無為有國者所羈終身不仕以吾一馬

快士

蜀志黃權傳權字公衡司馬宣王與諸葛亮書曰黃公衡一也每坐起歎述足下不去口實

快箴

玉海淳熙元年李燾上引太祖退朝悔乘快決事以諫上曰朕當揭之坐隅

快讀

陳造次韻蘇監倉詩一篇病如婦北軒風竹對森疎

快字

皇甫湜韓愈集序及其酣放豪曲一一凌紙怪發

快晴

朱子秀野劉丈寄示南昌諸詩和此兩篇詩滕王閣下水初生聞道登臨復一一陳與義夏夜詩

兩鵲

翻明月

孤松

立一一

快雨

魏志管輅傳輅過清河倪太守時天旱倪問輅雨期輅曰今夕當雨是日暘燥晝無形似府丞及令

在坐咸謂不然到鼓一聲星

月皆沒風雲並起竟成一一

快雪

王羲之問慰諸帖一一時晴佳想安善未果為結力不次倪瓚玩月一一齋詩爾營茆齋名一一

邀我吹笙

弄明月

快健

圖繪寶鑑高文進工畫佛道師倣曹吳筆力一一施色鮮潤梅堯臣同蔡君謨江鄰幾觀宋中道

書畫詩一掃一幅太一一

一檀溪躍過瘦的盧

快耳

漢書息夫躬傳辯口
——其實未可從

快眼

吳萊黑海青歌越山山有
黑海青長拳——健羽翎

快口

李尤鼎銘五鼎大和滋味
集具雖——於——損之為務

快吻

李子卿紅嘴烏賦勁義非日黔
而得黑——宜研硃而益新

快靚

朱子詩迨此解章級絕境方——周震震延
平龍劍歌我當遠求華陰土助爾光芒增——

快飲

論衡飽食——慮深求
卧腹為飯坑腸為酒囊

快卷

范成大夜宴曲雲中一笑
天解顏銜杯——玻璃乾

快吐

元好問移居詩胸中
有茹噎欲得——之

快啖

蔡襄詩大饗
——飲幾斗

快果

本草梨一名——朱子食梨詩啖
餘更檢桐君錄——知非浪得名

快馬

南史曹景宗傳謂所親曰昔在鄉里騎——如龍
與年少輩數十騎拓弓弦作霹靂聲箭如餓鴉叫

平澤中逐麋數肋射之——杜甫投簡成華兩縣諸子詩
赤縣官曹擁才傑軟裘——當冰雪——陸游詩生憎——

——隨鞭影寧作
癡人記劍痕

快牛

晉書石季龍載記季龍勒之從子也永興中與勒
相失後劉琨送勒母王及季龍于葛陂時年十七

矣性殘忍好馳獵游蕩無度尤善彈數彈人軍中以為
毒患勒白王將殺之王曰——為犢子時多能破車汝

當小忍之——南史陳顯達傳諸子與王敬則諸兒並精
車牛麗服飾當世——稱陳世子青王三郎烏呂文顯

欽定四庫全書

御定駢字類編

卷

折角江瞿曇白鼻而皆集陳舍世說彭城王有——
至愛惜之王太尉與射賭得之彭城王曰君欲自棄則
不論若欲噉者當以二十肥者代
之既不廢噉又存所愛王遂殺噉

快鵲杜甫戲作花卿歌用如——風火生見賊唯多身
始輕汪元量石頭城詩健魚奮鬣隨蛟舞——

翻身獵
雁回

快射宋書黃回傳太宗初即位使回募江西
楚人得——手八百假回寧朔將軍

快箭陸龜蒙早秋吳體寄襲美詩安得
彎弓似明月——拂下西飛鵬

快劍杜甫李潮八分小篆歌況潮小篆逼秦相——長
戰森相向韓愈石鼓詩年深豈免有缺畫——

斫斷生
蛟龍

快彈

白居易琵琶引序余送客湓浦口聞船中夜彈琵琶者聽其音錚錚然有京都聲問其人本長安娼

女年長色衰委身為賈人婦遂命酒使一數曲

快斧

王令謝李常伯詩驟承夫子言一一加芟夷高啓贈醉樵詩借汝一一斫大桂要令四海增清光

快翦

杜甫戲題王宰畫山水圖歌尤工遠勢古莫比咫尺應須論萬里焉得并州一一刀翦取吳松半江

水

快燄

蘇軾夜燒松明火詩一一初煌煌碧煙稍團團

快炬

党懷英詩蓬蒿撥一一倏作飛灰輕

快拂

史達祖燕詞飄然一一花捎翠尾分開紅影

快舉

楊萬里寒食對酒詩醒時本強飲醉後忽——

快顯

宋祁新建文翁祠堂碑布尋以度堂累常以度廷疎窗以——壯闔以嚴閉

快利

朱子答蔡季通書孟說更煩為契勘辭意或小未安一字不遺乃所幸願自覺語意塞拙終不——

也

寶泉述書賦孝元不拘——睢盱習寬疎於一體

加緊薄而小殊按謂梁元帝

又荒蕪——彥祖為容

似較狡虎於大野任平陂

快緊

葉適送鄭景元詩大夫軒豁意——出鷹鷂

快哉

宋玉風賦楚襄王游於蘭臺之宮有風颯然而至王乃披襟而當之曰——此風寡人所與庶人共

者耶

蘇軾詩欲作蘭臺——賦却嫌分別問雌雄薛季宣晚渡東坡詩浮生萬事盡塵埃瑞慶堂今榜——

楊萬里寒食前三日行脚遇雨詩信脚
那知遠雖勞亦一一又蘇轍有一一亭記



御定駢字類編卷二百三十三